

# 太康縣志

## 卷第六

息縣劉盼遂撰

藝文志下

文存

先賢陳子墓碑記

明宋師程推官

按史記孔子系籍班班可考業知子禽子羔二氏隸中土云自授策來梁宋過太康之里而問焉僅僅子羔祠墓崇祀制而子禽故址遺墟漫無稽考雖誌亦略而不書豈真如昔人所評柴雅擅士林之重而陳子禽氏每問俱淺之乎窺聖人者將不得留姓氏於山林也歎嗟夫天不生仲尼萬古如長夜彼其師友間相爲質疑辨難迹類庸庸無奇然皆關係世教非如俗士之脂韋其言以自夸詡者也獨奈何於子禽氏而少之也哉不佞惻焉因檄程令宜搜若墓得諸博士弟子云子禽岡名在焉父老傳記然受孫氏鼎棲鎮壓者幾代矣不佞亟

## 太康縣志

卷六 藝文志下

招其人至則惶恐伏罪願圖改作於是程令估計修理之資若干兩申請動支不足者益以贖金大爲封樹焉墓高八尺闊亦數尺週圍繞以垣牆總計五十丈三尺墓前建祠堂三楹堂前築屏屏外設門上扁先賢子禽氏祠墓一方士民始知有聖人之徒矣功成程令請記不佞不獲辭爲記曰夫學士家類思附青雲以聲施後世其初豈嘗以俎豆待其身哉乃崇儒重道厥典自不容墜是故立德與立言兩者若不同科矣然而後之考德與服言者皆能感奮興起是胡可軒輊也又其下者德與言皆不足而能以疑問相長之機發聖神功化之極稽古者可不錄之乎况春秋之時士鮮真修聖德泯矣王綱解紐聖治溷矣人私其言家私其學聖教又幾乎不白矣幸也子禽氏有疑思問而端木伯魚次第答之然後吾夫子溫良恭儉讓之德知其感通者妙也綏來動和之化知其作用者神也家庭詩禮之訓知其授受者公也令千載而下由諸賢摹寫之詞而想聖人德業之盛辟之高山仰止誰無作則之思乎向微子禽引其端二賢竟其說則在當時已無能窺其蘊者又安能留其芳型至斯之遠哉然則子



禽氏之功可謂其在羣賢之下耶良可祀矣當與子羔氏並祠云子羔祠墓在縣西北高賢集去城四十里子禽祠墓在縣北子禽岡去城二十里皆宜記之

### 王義士傳

顏庭桀

王義士者諱彥才世居開封之太康爲望族其貲甲一邑獨尙義好施在元時嘗判彰德路位不滿德棄而家居至正間太康大饑民多菜色奄息待斃公感然曰所貴厚積者爲能散也今民饑如是獨守是物奚爲哉於是遣其家人齎金往淮西乞糴米千餘石舟運以濟一時賴全活者甚衆成化間西華令陳嘉謨嘗繪而刻之以風其邑人觀其家所刻圖蓋苑然當日事漢也武時河南傷水旱汲長孺矯制發倉廩幾乎仁者之事其便宜行事帝不罪且賢之長孺弟官至九卿子爲諸侯相而公子鈍官至大司徒鉉爲遷安簿鎬爲山西憲僉孫淪官少司徒演操同舉一爲萊水博士一令宛平曾孫節令盩厔元孫煦同知轉運杰爲縉雲簿至五世孫是爲觀察公埏初試邑滋陽入拜給事中歷今官壞埠 埠圻垓咸沾一命而六世孫朝賢守順德轉參名藩七世孫汝訓領鄉

## 太康縣志

卷六 藝文志下

一一

薦公會以少司徒之貴追贈如其官其子孫榮昌尤盛於長孺豈公當時不在位其事爲難其陰功爲多故食報因以厚且久天之福善固有劑量哉

### 明王尙書墓表

明黃 淮 永 墓 入

公諱鈍字士魯河南太康縣人祖仁卿元贈太康縣尹父彥才任元通州同知母陳氏公事之竭力撫諸弟妹思義尤篤內外族姻率多兼濟至正丙午登進士授猗氏縣尹既而元社已墟退伏河津設塾授徒明初詔徵不至越六年強起詣闕召對稱旨除禮部主客司主事時四國朝貢公熟典故以故宴勞酬應品節咸得其宜遷長沙府通判未幾禮部尙書任昂薦爲大名府通判陞吏部總部郎中丙寅陞福建左參議尋陞右參政時蠻川平緬宣慰使思倫發爲邊隅患選重臣通經術知大義者往諭之公適自福建來朝遂命爲使奉詔至其境先遣津馳書開道順逆禍福諄復懇至累數百言思倫發感動震驚率國屬俯伏聽詔拜謝朝使禮甚恭遣使送歸判人還所侵地貢象馬方物公歸贖白金五百兩公自計曰爲使受金辱命矣然彼方圖改過卻之恐生疑懼乃受之



至雲南悉入官庫還朝復命具白其事上大悅稱嘆資勞陞浙江左布政使申教條簡徭役摘奸拯弊佑善登賢不煩苛而事集幾月政聲大振既而以母喪去職詔徵詣闕諭之曰浙江非卿不可治奔喪後勉起就任以副倚任之懷公懇請終喪不許乃奉命復職凡十年當時太祖宵旰圖治藩憲重臣勝任久於職者不多見惟公與雲南布政使張統齊名太祖嘗並稱爲方岳最庚辰徵爲戶部尚書又明年太宗入正大統命往山東詢察民隱靡不究心發粟振窮全活甚衆復奉命往北京安撫軍民公勞心殫慮日就困憊上表乞骸骨上憫其衰准致仕賜勅褒饑人皆榮之

王氏三司農祠堂碑記

明 侯于趙

王爲太康名族世修其德冠簪接踵載在乘譜者不具述勝國時有諱元佐者官奉訓大夫至正間太康大饑乃捐資令家人自淮西運米千餘石賑濟里人全活甚衆時以義士稱之西華令因刻賑饑獲報圖以勸部民生子鈍以薦辟歷官參藩召遣持節撫諭龍川平緬甸贈遺金貝固却不受爲浙江方岳常伐

太康縣志

卷六 藝文志下

三

石捍江濤民免墊溺歲旱禱雨輒應浙民咸德之後官戶部尚書孫淪由進士以明經修行選授皇孫經仁皇嘗謂曰女爲王鈍子耶女父功行朕所素知女勉力繼述前人拜左春坊左司直文華殿進講凡遇君臣父子之義倫教風紀之重必懇切陳規後拜戶部右侍郎出撫浙江罷力役寬賦歛舉廉能蒞事五年督運京儲千餘萬石招撫流移五萬餘戶獄清盜息浙老嘆曰真先大夫布政子也上嘉之加恩所自出上及奉訓公亦有司農之贈是爲三司農公自是王氏孫裔日益蕃昌嘉靖間邑令徐君以三司農名德爛然有社祭而無耑祠奚以報公風世迺屬其宗人以暨易學宮後隙地爲祠仍餽鏹以貲版畚工難卒竣得五世孫今中丞竹溪公出俸餘爲倡於是族衆咸佐材濟用爲堂及寢室各三楹庖庫繚垣具備竹溪又廣其誼謀於堂中設三龕以贈司農公爲始祖而子孫分昭穆翼之祀諸中又擇其賢有功者亦分昭穆翼之祀諸東西其遠祖列主於寢室以示不忘竹溪公語其事於不佞命爲記詩曰昭茲來許繩其祖武無念爾祖聿修厥德王氏子孫其能無遐思乎不佞與竹溪公稱莫逆



世譜之誼與有榮施不敢逆命爲書其事於麗牲之碑

資德大夫正治上卿都察院右都御史顧公神道碑銘

胡濙

國家重熙累洽之時天下蒼生沐太平之盛治必有忠謹廉能之臣謀謨密勿左右贊襄於其間而後克成無爲之治故資德大夫都察院右都御史顧公蓋其人焉公諱佐字禮卿世爲河南太康人祖諱泉字洞夫仕至太常禮儀院僉院祖妣謝氏父諱澄字景清以儒業發身元任山西陽城縣尹轉遼州知州洪武初以賢良舉授兩浙鹽運司將盈庫官妣岳氏生子三人長輔次即公次睿公自少警敏有大志克遵嚴訓善繼家學洪武庚辰以明經登進士第擢知莊浪縣事迎父就養甫二載令弟睿送回太康至咸陽以疾終公匍匐至喪所扶輿歸葬哀毀逾禮服闋擢監察御史永樂初太宗文皇帝差往廣西招撫慶遠洞蠻事完回還欽蒙賞勞復遣往四川監視採營造木植處置有方軍民稱便克協上意復令隨征沙漠巡撫邊關所至竭力輸勞上喜其能拜江西按察司副使幾及二載陞應天府尹適當營建北京之際事務繁劇公措置規畫祇奉

## 太康縣志

卷六 藝文志下

四

惟謹時仁宗昭皇帝在春宮深加恩眷名譽日彰太宗文皇帝駕幸北京知公才幹驛召爲順天府尹未幾以貴州新入版圖必得公勤廉幹之人以司風紀振肅撫綏遂以公爲貴州按察使奉母岳夫人偕往未至一程母以疾終公哀慟幾殞水陸萬里輿櫬歸葬於先塋服闋仁宗昭皇帝拜公爲通政使給賜誥命贈其祖泉父澄皆如公官祖妣謝氏妣岳氏俱贈淑人繼隨宣宗皇帝平武定州回蒙賜白金文綺人口宣德三年秋陞都察院右都御史制曰剛直廉正簡在朕心特畀斯任公欽遵益加竭誠殫慮知無不爲言無不盡堅持節操澄清風紀由是屢沐恩寵錫晏於萬歲山等處贈詩有曰千載明良同宴樂及賜琥珀帶彩繡麒麟衣黃封甘露酒羊隻楮幣後復賜麒麟琥珀公服帶每遇鑾輿巡狩令公同太監留守京都公奉命惟謹小心慎密後忽中風疾上遣中貴及院判韓叔暘視公於私第初則日一往返稍可二三日一扶策行動五七日念聖恩深厚強起入謝復蒙聖諭仍令將息又半載餘令扶視事免其朝參今上皇帝即位之初命公同隆平侯張信册封郕王蒙賜金帛復令入侍經筵



賜以白金文綺除朔望外常日仍免朝參特蒙優待如此又二載公疾轉劇動止人扶遂乞骨骸蒙賜璽書賞賚絡驛榮歸故里勅旨有曰廉清之操公忠之行確乎不拔卓然名臣又曰人惟求舊朕固不忘卿也仍勅戶部優免卿家雜派差役用示優待大臣之意陞辭之日復蒙晏饒凡公卿大夫亦皆饒別於都門之外時人榮之莫不欣羨公之先世因公貴祖與父復蒙給賜誥命咸加贈都御史祖妣與妣加贈夫人妻韋氏加封夫人男一璵孫男三長曦次承祖繼祖公生於洪武九年丙辰四月終於正統十一年丙寅九月享年七十有一計聞上爲之嗟悼命有司諭祭造墳擇次年丁卯五月十二日安厝於祖塋西南一里許善德村之原其子璵赴京謝恩齋大理寺左少卿于謙所爲行狀徵予爲神道碑銘予與公同年同官於朝幾五十年悼公之歿感傷於懷銘奚可辭公有異質天資凝重孝友謙恭操履清白故敷歷中外所至人皆愛敬其居風憲振肅紀綱揚清激濁進賢退不肖歷事累朝寵眷日隆而持身日謹得大臣之體是宜勒碑墓道以垂不朽

## 太康縣志

卷六 藝文志下

五

銘曰國家之興文運昭明羽儀至治必資俊英卓哉都憲力踐躬行靖共爾位善不近名式克有譽不震不驚戰慄自持以廉謹稱汲黯之直趙抃之清繩愆糾謬豺狼斂形民安物阜天下和平從容宥密克副厥能朝廷倚毗寵眷彌增歷事四聖始終一誠未及耄耆艱疾遽膺命醫診視藥物交并聖恩軫念欲駐遐齡久而轉劇遂許歸寧賜刺褒嘉云不忘卿公自縣車操履益貞容莊行潔光重鄉評壽逾稀年大夢不醒計達九重震悼曷勝旣賜以祭仍勅造塋璵實賢嗣天崇寵是承賁於松柏耀於泉扃式示爾後惟銘可徵

送顧都御史致政旋里序

楊溥

世之爲大臣者進而有爲其去位也人皆惜之可謂有道者哉曰未也有爲焉宜揆之以理惜其去者宜出於公論二者有取於君子焉而後爲有道者也都御史河南顧公由進士起家敷歷中外以廉能受知先朝遂掌風紀蒞事之初簡賢良去姦貪夙弊告清風紀翕然一歸於正人莫敢干以私君子有取焉今年春屢以疾在告上不忍重勞以事賜璽書寶楮宴勞俾還鄉治疾其去也君



子咸惜之公其有道者乎余於公之去重有感焉聖朝祖宗之制建六卿分理庶政而置都察院掌風憲爲耳目之寄六卿得人則庶政理風憲得人則六卿百執事有所激揚不敢墮其職焉爲慮周矣方今聖天子以聰明睿智之資嗣承丕緒祇奉憲章簡任六卿而尤倚重風憲爲臣隣者庶幾朝廷多君子相與贊成仁化俾斯世斯民同躋有道之世抑何幸歟然嘗有居風憲者假勢位以濟己私卒之不免於其身甚者賊穢發聞於就斂之餘君子恥道其名姓嗚呼此何人哉予於公之去重有感焉公年未老勿藥有期庶幾其復來以副聖天子優禮之意此又同朝之所深望也同官賈公子信張公鵬舉及諸御史徵言識別余因述公之出處與夫所感於懷者爲之序

顧公祠記

王 垞

太康顧公佐起家進士由縣令至綰銀臺幾二十年受知宣朝爲中執法者久之得君最專功業最著照耀簡冊嘉靖己酉督學姚江翁見海先生建特祠祀之溢贈之典闕如今上改元之明年太倉王鳳洲公開府隕陽崇重典禮因議及謀以請夫表揚勳德國家激勸大典矧顧公宏勳偉烈彪炳耳目遂上其議部覆得旨贈少保諡端肅嗚呼士患不自樹立耳苟其足表當年可垂後世安有不食其報者公沒百餘年而典祀克隆輿情稱快其亦公道之不容泯者也而天亦豈以太倉幸公哉

八卦壇賦

邵 寶

惟庖犧之御宇實立極而繼天得太極含三之本居混元不二之筌挾天根月窟之奧探四象兩儀之源兆文明於太始啓道統於莫先爰宅中於宛邱之上用壘土爲畫卦之壇原夫黃芽欲發蒼精無象緜緜溫溫蒼蒼莽莽旣龍鴻之未兆何聲臭之可想問洪纖而未得自棄胚渾考上下以都忘孰分天壤及夫大樸將散三光欲萌清濁自茲而判昏明由是以生然後品彙混成用作有形之始淳和外朗將舒至道之精天不愛道地且効靈因感河圖之獻瑞爰畫八卦以成能惟乾爲天爲父兮純陽三連惟坤爲地爲母兮純陰六斷一索得男兮惟震仰孟三索得男兮惟民覆盃離以中女而中虛坎以中男而中滿兌則

太康縣志

卷六 藝文志下

六



少女而上缺巽則長女而下斷兩大既立六子斯繼至頤至幽若正若散範圍  
天地而不過總括萬物而無算異同任朱陸之爭彖象待姬周之纂讖緯假之  
以眩俗十翼贊之而難緩洵千古斯文之祖萬世周道之坦迄今雅屬寂漠之  
荒臺迺古實爲神聖之琳館乃其軒臨碧水簷受薰風而迎靈池徑蔭古松高  
不踰丈廣可十弓不假綵繪之飾無勞雕鏤之工景神區分眇匹邁衆壑兮特  
立何樵採之敢來惟文士之宜入頁祖述而未逮庶望古而遙集尼父之絃歌  
遜古紫陽之鹿洞莫及洵弗讓於苑之園而圃之玄又奚羨於鳥之三而洲之  
十乎歌曰元元鼻祖夔難儔畫卦遺臺今尙留地枕龜池臨蔡水基連著苑歷  
陳州非文非字渾無朕合含象含爻方待搜周情孔思收莫盡先天誰不仰前  
猷

撰著堂賦

以參天兩地

車文

稽包羲之聖德兮偶天地以爲參乃幽贊於神明兮泉如醴而露甘爰生神物  
之異兮叢盈百而蓋簪稟五行以爲象兮妙太乙而獨涵備陰陽之萬變兮具

## 太康縣志

卷六 藝文志下

七

開物之指南龜在下而不去兮雲在上而相弇爾乃緬然以深思效法以紹天  
龜用五以稽疑著用二以鉤元仰天若而面稽乃築壇而布筵登降壇只法象  
森然察陰陽於俯仰觀造化於方圓爾乃本中宮而定數析陰陽以爲兩得人  
道於掛一象三才而不爽寒暑往來四策氣朔盈虛於指掌窮天地之終始盡  
元會來往化而裁之以參天而兩地變而通之乃著神而卦智或成天圓之象  
於三三或著地方之形於二二或兩二而一三其得河圖東方之位乎其陽之  
穉乎或兩三而一二其得河圖兩方之次乎其陰之貳乎誰謂陰陽之道遠而  
誰謂幽隱之不可以窺之既極數而通變乃變動而不居於是乎參伍錯綜率  
是法以爲倚引伸觸類感象妙而宏起窺月窟於乾一之變兮終於夬而壯趾  
見天源於坤兩之化兮成於剝而艮止析觀一卦之變兮六十四而可紀統觀  
全易之化兮四千九而未已通德類情兮法天地以爲數彰往察來兮開羣物  
而成務人謀鬼謀兮合貴賤而通故潛天潛地偕古今以披霧不占險以濟惡  
兮道中正而可慕必潔靜以精微兮惟寡過以爲度小人悖凶兮偪規矩而改



錯君子修吉兮來吾道乎先路亂曰烏虜壇兮萬象含兮卿雲曇兮樂湛湛兮  
謂壇蓋高包天地兮謂壇蓋大藏山淵兮日月於斯而出入群瞻仰兮風霆於  
斯而周旋驚鼓灑兮萬古斯壇亦孔固兮天地鬼神呵永護兮土石纍纍瞻寶  
璐兮懷古君子應神遡兮

郭參政墓表

邵寶

參政諱緒字繼業姓郭氏太康人元季時開封通判祐之子二翁始居焉二翁  
子曾明初爲御史臺治書子在豐任苑馬寺監正子治娶王氏生子杲六歲而  
治卒王刑部郎中傑女也杲娶楊氏有三子君其次也君生七年父母繼沒祖  
母王撫教之君幼端簡沈默學使劉昌見而奇之進爲庠生勤苦自勵遇歲歉  
常以所得廩米分給族人與人接莊不可犯成化庚子舉於鄉明年辛丑連捷  
進士觀工部政授戶部湖廣司主事嘗督運銀二十萬兩於陝西既給軍而主  
者以羨告君曰羨以正支法也歸之藩司宏治戊申陞員外郎癸丑實授員外  
郎時宣府缺總儲郎中吏部疏君名請陞署郎中宣府諸鎮歲用糧草數百餘

太康縣志

卷十 藝文志下

八

萬每招商則奸豪蜂聚時有持都臺書謁者叱不得售甲寅實授郎中戊午陞  
雲南布政司左參議獨行抵任事事不弛鶴慶地山水暴發漂流廬寨君見塗  
號者哺之野暴瘞之民謂君仁大理蒙化諸土官侵盜銀數萬蓋久且隱君訪  
而追之其分守所至克殄久叛巨盜楊才輩數十人民謂君義且勇先是西南  
有日思六越金沙江界據地千里拒不受撫至辛酉勢益猖獗鎮巡合議以剿  
請事下公卿議撫之便詔簡藩臬貞毅臣以往乃以君與按察使曹副使王同  
行先是慮參將和統軍距所據地二程許而須遣官往者皆被留不報慮還軍  
至於崖遇君語其故且戒勿進君曰吾受國恩報稱正在此是日君單騎從數  
人行旬日至南甸巖突不可騎乃斬荆徒步繩援以登又旬日至一大澤夏都  
上官以象輿來君乘之上霧下沙晦淖迷躓而君行愈力又旬日至孟賴去金  
沙江僅二舍君芟以次手爲檄遣官持過江諭以朝廷招徠之意遠人相顧警  
曰中國官今亦至此乎即發兵數萬夜過江抵君所環之數重有譯者泣報曰  
賊尅日且焚殺君拔所佩劍指示曰明日我渡江敢復言者斬思六既見檄諭



禍福明甚又聞君志決卽率其部落來請聽令及餽土物供具君悉却去乃奉宣勅榜思六等聞之皆俯伏泣下請歸侵地宣言許之皆稽首稱臣歡聲動地因請虛參將先所使人出以歸虛曹得報馳至則已撤兵歸地受緬書矣鎮巡以狀聞詔予奉事者官一級餘功嗣覈以錄越三年考績進陞四川督糧參政正德丙寅以雲南功加君俸一級丁卯君進表至京師因請致仕歸明年以疾卒年六十有四君所爲詩有學吟草撫遠錄藏於家

### 郭太僕墓表

謝德溥

崇禎元年四月南京太僕寺正卿郭公卒於家巡撫河南都察院右僉都御史范景文具題上聞本月禮部題覆奉旨郭顯忠准給祭一壇減半造葬上遣河南布政使司分守大梁道右參議李天經諭祭越歲其季子恩貢郭猶興來京謝恩因徵墓誌於余余家自幼輿迄元暉俱出陽夏水源木本髣髴猶有存者高山景行雖不能至而心切向往不腆之辭其奚靳按狀公諱顯忠字步武號同竹先世祖諱祐之元至正任開封通判遂家太康祐之再傳曾以明經徵聘

## 太康縣志

卷六 藝文志下

九

同穎川侯傅友德平兩廣有功晉秩御史臺治書曾生孝廉在豐爲苑馬寺監正傳至濟戊子解元以行人撫交趾陞鎮江知府再傳緒辛丑進士參政四川撫恩六蠻有功溯濟及曾稱忠使者三公傳至效諒則公父也公負責諄謹志存不溫飽母張太夫人疾篤哀慟幾絕事繼母以孝聞公父豪邁慷慨不惜財物破析田園代償族人喜留賓客不問有無雖推情和睦不辨誠僞公幾諫不聽註諍子論家四壁立坦如也癸酉領鄉薦丁丑成進士授桃源瀕河衝疲倍他邑值河決民間田舍逐流兩岸崩冲徵檄如雨督修如雷公拯昏墊集流移終不以催科易撫字泊董河工建石塌築堤六十里塞決口九十二工成題叙陞俸二級值考績聞父母訃音一慟而隕悲泣幾滅性去桃源日百姓擁送百里服闋補陝西三原縣舉卓異擢工科給事中從祀南郊侍經筵巡視廠庫疏陳節財用上嘉之欽差册封韓藩抗疏參邊務忤樞政以年例外轉漢中知府漢苦奸胥諸屬銀輸府輒爲乾沒公以收納付糧廳民便之僉稱善焉考績授中憲大夫褒贈有加晉浙江憲副乙未入賀陞隴右參議督撫薦陞靖邊參政



所至皆有邊功因執法不合巡方意指遂毅然賦歸來去後仍以河西之捷受賞家居十載絕長安夢想尋遊園林賞花賦詩凡有隱士高賢過訪者歛留下榻流連題詠盡歡始去丁未執政遴邊才補公湖北參政兼理郵政年餘陞陝西按察使分守冀北備兵時值忠順物故諸部落請封朝議封卜兔順義王賜勅印公賚賞至邊卜兔諸部據鞍三晝夜議索公諭以威信捧勅賜冊印賞單以示諸部喜下馬謝恩領封賞飲宴而去奏覆叙封邊功賜一品服加陞山西左布政考績晉階通奉大夫贈祖父如其階贈祖母母妻俱夫人部議公資俸深應陞京堂旋陞南京太僕寺正卿仍用一品服食二品俸公以邊備二十年心勞力竭自苦衰殘疏請乞休已未推通政公仍乞休疏凡五上蒙允歸里公寵辱無營與人與毗鄰居林下卻謝時事課子孫讀書魏黨擅權猥欲相引重公視若浼己屢徵不起邑中有大事關利害者必慷慨言之如廩延河平諸驛至減額外協濟二千餘金公私賴焉讓祖產於仲弟教季弟以成名篤昆誼也祀三忠使於祠旌世德也復園囿設祭田光舊物也祠大士於桃川報慈恩也焉

## 太康縣志

卷六 藝文志下

一〇

### 王侍郎退翁文集序

郭緒

自聖神出立德立言文籍既興道斯寓焉如易以言陰陽書以言政事詩以言性情禮以言節文春秋言王法皆文以載乎道適於用聖人所以刪述垂憲者是也其他文學雖富有補於世者幾何人哉吾鄉退翁王先生者近之先生乃前大司徒士魯公之子也諱淪字子清號退翁篤實清慎志學非凡早聞詩禮之訓隨侍宦遊內外徧禮碩儒講論經史務求道理之源不事章句之末則德日以盛業日以廣年甫弱冠學業有成遂擢永樂乙酉經元復魁明年丙戌多士登進士第選爲翰林院庶吉士與修太宗大典授二皇孫經拜左春坊司直



因讀秘閣諸書而學業愈進宣宗初隨相鄭王之國輔導以正不合詔改行在民部尙書正郎越三載超遷少司徒奉勅巡撫浙江家給人足軍民樂業而所學又大行矣歷官三十餘年所行無往非學所學無往非道故先生體道於已發而爲文則長篇短章日積月累有以備諸體兼衆善眞猶採鄧林之木而槩栲枿梓皆美材也入陶朱之室而象犀珠玉皆珍玩也叩倉公之門而苓蓮參朮皆藥物也是皆道之見於文切於用存諸中而形諸外匪徒誇多鬥靡空言無補者先生旣歿孫曰景暘仰承父命收集散逸手錄珍藏嘗遇回祿而無失迨至別駕襄陽復託棗陽尹楊鏌編次教諭胡頊校正凡五百九十篇分爲六卷集成捐俸繡梓以永其傳惜乎造端缺序未就幸得冢嗣文忠上舍拜而徵之補爲全書俾乃曾祖之文業不墜乃祖乃父之志願始成可謂善於繼述世濟其美者也孝孰加焉但末學無似未足奉揚萬一迫於通家之好不得已姑述素所聞者以塞若謂之序則吾豈敢

韓烈士祠記

郭顯忠

## 太康縣志

卷六 藝文志下

一一

烈士名巍山西沁水人隰川王府儀賓賈於太康楊家廟驅幹壯大多智習兵挽三石弓慨然慕馬伏波之爲人嘗曰馬革裹尸眞男子事每聞四方有驚輒扼腕人皆壯之嘉靖癸丑柘賊師尙詔陷鹿邑歸德由楊家廟襲取太康烈士招諸少年曰是集爲縣屏蔽於此拒守勿令長驅需救兵至賊可殲也或曰恐勢不敵烈士曰彼衆烏合行無紀律且恃常勝可撓也第從毋恐少年稍有從者賊遊騎至遂敗去前鋒至又大敗去賊大怒拔營列陣而進所從少年悉散去遂登樓自固賊圍數重樓中集有冶鐵投以擊賊死傷相繼三晝夜不勝賊欲棄去一黠者曰脫頓兵城下是且集衆撼我則腹背受敵盍火之乃輿薪焚樓烈士嘆曰吾得死所矣自樓上飛身下手刃數人始被擒大罵不屈賊斷其舌遂遇害是夜漏下三刻蕭公入城平明賊衆列濠外知有備攻三晝夜不克乃去向微烈士蕭公未至百萬生靈不盡爲魚肉乎烈士之死功在太康豈淺鮮哉萬歷戊子隰川王公以狀聞詔祠祀授子子明孫灃奉祀復其家人情大快



劉烈婦墓表

明田一雋 延平

王生國賜者禮科給事中竹溪君長子也生二十年死妻劉氏不踰月竟縊死按狀曰王生不宜夭者二而烈婦之死有四懿焉夫王生十六補弟子員而父第進士入爲天子諫諍臣貴矣顧益折節謙下力文章也謂之才公子非耶王生幸有伯父家居伯也父之姪也子之乃獨以病弱不獲事父若母爲恨既革矣掩面北向長號淚簌簌下也此非孝友心誠結於中者哉君子是以悲王生也方烈婦歸王生也年十三耳逾二年王生病再一年病且不起計所爲夫婦者四年年灼灼艾也臨訣以一死要王生卒以死酬何信也王生蓋猶及事厥祖母云祖母察烈婦毀必不生也挾臥起不得間卽問卽縊卽縊卽解至四縊後畢志焉何毅也死之前日跪上父所遺金於祖母復剪皮金成一香字付侍婢曰人貌榮名有旣乎吾庶幾貽馥流芳矣吾誌吾心也旣而沐浴更衣自盡何從容也每朝夕上食畢淚向伯母曰婦死夫分耳第女子者遠丈夫也吾倘死乎相累屍矣毋令經他人手含詬幽冥也何達禮也貞烈之生不偶哉

太康縣志

卷六 藝文志下

一一一

安氏塋碑記

李夢陽

太康縣西岡曰侯陵而安氏塋焉蓋葬者五世矣塋西南塋亦安氏三邱前並十五邱後纍纍糾然迷莫知誰墓而今塋四凸而中凹如掌形一世益於安爲高祖益生二子曰居曰全葬之左居三子曰泰曰康曰庠全二子曰慶曰庸葬之右泰子曰柱曰杞康子曰盤曰止曰吉庠子曰樞曰棠慶子曰和曰來葬左前柱子曰清曰深曰浩杞子曰洪止子曰仁曰憫樞子曰淪葬右前吉子曰行又稍前而安之綿也則自丁氏丁氏者益母也丁氏兄爲元平章官元亂平章官提兵過太康乃携其妹甥北而丁氏中流矢道死而平章官乃獨携其甥北已舅甥復相失而益自轉徙於長子因娶長子張氏亂定夫婦歸乃始鋤荆榛誅茅閭掃墓邱創室廬亦艱矣李子曰今之塋蓋專言地理家云質體魄微利福計枯腑饜潤澤君子蓋羞稱焉然中古以來顧率尙之號稱賢豪人亦往往談青烏子眠牛而望氣者言陟侯陵望安氏塋而推其必盛今考其一世一人二世二人三世五人四世一十二人五世二十二人知州者一人康是已推官



者一人吉是已進士知縣者一人仁是已壽而官者一人棠是已義而官者二人國子生者二人縣學者三人王官者二人藩吏而未官者三人賢而篤行者世有之揆其言不虛矣而予則謂人道邇天道遠向使安氏族大而橫富而違禮貴而怙勢譬之本根既撥枝葉必萎即令葬乘生氣據王相陽來陰受支就干合未必盛若是而今人靡察顧時時覓盛地擇利穴冀發其子孫斯何異於弗耕而餒曰天也豈不悖哉左生則又謂予曰行蓋有二男子云長曰邦次曰都峨冠拖紳安門之封胡於今塋樹栢千建堂豎明翼之以屋覆碑以亭爰成父志李子曰甚哉人道之邇也今觀侯陵安遠而彌繁盛而彌賢颯颯猶朱陳王謝焉是果地理使之然否歟詩曰孝子不匱永錫爾類安氏之謂矣

### 重建文廟碑記

郭昌

陽夏文廟歷朝沿修制度各異其崇儒重道之意一也明季壬午歲權闖逆之變災於烈焰遂至傾頽釋奠無具講肄無所俎豆几筵不備二十年於茲矣國家初定大難方平呻吟甫起前後治是邑者率以物力維艱遜讓不遑今皇上

## 太康縣志

卷六 藝文志下

一一一

御極之七年北平胡公來蒞是土月吉祇謁傷其頽廢謀所以新之念哀鴻初集不堪任茲重役因捐俸倡始勸紳士助金尋召梓人爰究爰度卑者崇之狹者廣之規制圖其宏闊材物擇其堅牢簷阿棟宇務極軒廠黝聖丹漆舉以法於時啓聖祠正殿兩廡戟門櫺星並建又建明倫堂於大成殿後作文昌閣於櫺星門左移泮池於櫺星門外其餘齋厨庖庫以次告竣名宦鄉賢祠無不畢舉春秋釋奠有具師儒講肄有所養老飲射登降揖讓有法則俊秀之彥入是門登是堂觀感興起其齋莊正直之心果銳英華之氣必有油然而生勃然而不可已者異日偉人踵起士風丕變斷由茲始有功名教非淺鮮矣是役也肇於丁未三月成於戊申六月人士樂厥成將勒石以垂永久而請記於余命曰重修余謂宜改云重建夫事仍舊則宜名修工獨創則宜名建若木石無所資陶瓦無所藉一切皆出其經營而鞏固宏深大異於前代則因舊也而實創始矣記曰重建紀實也公諱三祝字北平奉天籍永平人董其役者司教常公諱景星字薇垣函谷人襄厥事者而伏臘不解晨星維勤者曾生其學張生鉉例



立得並書餘則次之碑陰云

重修文廟碑記

河南陳李瑞松代

今天子御極之十年春前令杜君考滿入都當道以邑政繁重慎簡其人畀予承乏余雖未敢局於五日京兆自同俗吏而時短心長竊恐未易副也下車後體問風俗邑自疊遭兵燹絃歌漸輟學宮亦日就荒圯亟思振興而修葺之費大功鉅其事慮非旦暮可歲然善作者不必善成啓其端以俟後來予之初志如此廣文宋君傑士也昔曾司鐸申陽毀家紆難嗣因卓薦量移此邦憫茲廢墜有願未償鑒予有同心力任贊襄期於必成於是集庶紳而謀咸曰唯唯余遂率僚屬倡捐若干都人士共集資若干鳩工庀材經營督責悉惟宋君及諸紳董是賴工以是年九月而竣此豈予之始願所及哉亦足見都人士從善如登惟在司事者有以鼓舞之而已夫天下郡縣莫不有學軍興以來城市鄉閭不獲休息其弱者濬壕築堡藉偷旦夕之安其强者挾矢張弓圖奮疆場之烈而不逞之徒亦復競爪牙習於爭鬥而莫知所極守土者計無復之往往趨於

太康縣志

卷六 藝文志下

一四

武健嚴酷冀得少挽其澆風遂使衣冠文物之鄉無復有仁讓興行之美習俗倫則迷於所事好尚異則不識所尊百尺宮牆其不致淪於荆榛鞠爲茂草亦不幸中之大幸也然則剝極必復否極思泰當此物力維難之際仍知先聖之廟貌必不可不崇學校之興復必不可不亟欣然解橐樂事赴功此其機亦殆將轉矣自是而油油焉與與焉於其中相與講明道德湔除污染爲天下先余雖數月從事於斯知後之君子必不以爲務迂闊而文其治術之拙也已役也董其成者教諭宋君訓導尚君也襄其事者邑人張紳鴻翔袁紳柳劉紳雲鵬李生敬修郭生金鑑符生明綱鄭紳慎修程紳鳳山也例得並書是爲記

先賢高子墓記

清宋士莊

先賢宅里一邑憑依將以先風化固人心者也舊傳高賢岡有高子羔墓距縣西北三十五里春秋二仲從祀已久廟墓如制國學生侯三畏捐地十畝給守墓可謂祀守不失矣然廉其入不能新其祠時修時廢廟宇坍塌樵牧往來壘上而無禁是則守土者之責也士莊宰茲邑瞻拜墓下周視愀然急命工繚以



牆垣計長五十餘步高七尺修理祠宇置神龕設立主位山門屏列俱葺聖題其額曰先賢高子羔之墓工成聊記其年月嗟嗟高賢言行載在魯論家語史記者甚悉如辰引於上何煩贅詞蓋賢人墓地必非偶然康邑一隅地耳勢脉平衍非有名山大川爲之扶鬱旣生陳子復生高子入聖人門牆學成而歸芳名播於當時俎豆馨香百代豈非中州淑氣所鍾抑聖人之教澤遠歟夫賢人君子器物流傳尙思敬慕而况衣冠坵墓之鄉神爽所臨聖人之車服禮器傳焉先賢之遺冢在焉登其堂撫其松栢而寧不入廟思敬過墓生哀也歟有國工而無良技是謂拙工有賢人而無興起是謂下愚詩曰高山仰止景行行止又曰維桑與梓必恭敬止居是邦者亦可以興矣

五子歌臺賦

有序

宋士莊

太康有陵園在邑東南其西則五子歌臺想當時從遊作歌於此諒矣然墓地無存豈復歸故國耶抑歲久湮沒而莫識耶古廟僅存臺基剝落悲哉夫忠臣苦口烈士抒情將萬世人主之龜鑑奚藉於臺榭之有無顧弔者遊目遐覽追

太康縣志

卷六 藝文志下

一五

維往事不能不以之興懷因援筆而爲之賦曰鑿安邑之發祥兮啓大夏而應運何金德之受尅兮歷再傳而生暈太康虛位收獵而荒后羿不臣距逐以亡有弟咸怨朔自陶唐述訓作歌冀悟君王嗟皇祖之君臨兮錫元圭以告寧繼虞姚以紀綱兮實明德之維馨陳祖宗之圖書兮誰謂詒謀之不準也何子孫之荒墮兮痛一朝之遂隕也伊窮臬之猶猶兮用遞覆我夏家攬禹甸之芒芒兮詎能聽彼喧嘩彼洛水實有靈兮聽我王而大遜豈十旬之可留兮寧一朝而難返披星日而帶露兮予一身其奚告也嘆白髮而聽寒流兮羌萬祀而弗永也惟五子之陳詞兮旣痛哭以莫持噫千古之不君兮其失道實相夷不尙雕題帝世維皇爰卑宮室夏道用昌緬斯歌也又奚有玉門瓊宮探長河以飄渡金莖銅雀指飛仙而翱翔者也藜藿不和俾力稼穡儀狄疏絕以戒亡國緬斯歌也又安有酒可行池鼓牛飲以放酣肉可肥林煎民膏而作慝者也降帝子以觀刑泣灑湘瀾撫呱聲而弗子娶美塗山緬斯歌也又焉有漲膩涓流望斷阿房之雲裊恨別漢室怨寫長門而淚潛者也至若垂甍旒而高拱不貴禽



淫歷春秋以省觀遂入風吟緬斯歌也又安有東遊初巡遂來博浪之怒擊西封多誕始悔輪臺而莫禁者也嗟嗟忠臣義士怨無所底瀝血披肝義盡厥美麥秀怨狡童之情乖黍離歎伊人之亂始小雅戒王呼籲上天離騷憂讒淚落流水丹心共揭兮徧識於樵夫牧豎之傳遺踪不沒兮披靡於荒烟蔓草之裏白日兮爲之慘淡陰風兮爲之颯起鬼神恫兮長其呵護里民祝兮消其殃否俯仰徘徊臺廟重摧何代而成何年而頽據忠盡於千百往古留精誠於萬世劫灰後之有志於國家興亡之戒者曷流覽於荒臺

### 募修二賢祠疏

清張對堉

陽夏古名區也土疎人厚代產賢豪自王侯卿相以及文人學士圖志所傳古蹟夥矣而其最著則莫如高陳兩夫子今夫兩夫子之葬於陽夏不得僅謂陽夏人也夫其列闕里之門牆得至聖爲依歸當時函丈後世廊廡十五國山陬海澨無不俎而豆之名與天壤相敵所謂天下萬世之人也若陽夏之人私爲己有謂兩夫子生於某葬於某魄戀某方神榜某所是不知兩夫子之在天下

## 太康縣志

卷六 藝文志下

一六

如水之在地中也豈通論哉雖然兩夫子固非區區此邦人而此邦之人無以妥兩夫子之靈則又不可按志兩夫子墓各有祠旣爲春秋泮蠻之所縣南郭又有合祠前令馮君以湫隘近市改築於縣治之東略構數椽未卒事也不佞下車以來廉知其處見地甚寬豁而荒蕪不治且黝堊丹雘垣牆門宇皆闕乎未之有舉私謂名賢祠廟不宜如是即欲更爲葺理願以公事馳驅未得其人以董之居無何有王祝二生來謁首以是請不佞聞之慨然曰生真有心人哉夫邑有先賢而廟貌不振此非司土者之責而誰責耶二生又出廣文先生及自所爲募文曰斯役也獨不若與人少不若與衆請公諸同志予惟兩夫子之葬於陽夏不得僅爲陽夏人也陽夏不得私十五國從祠文廟之兩夫子爲己有不佞豈得私陽夏兩夫子之祠爲己事哉且前令馮君旣已有心鳩庀何僅如是止也毋以馮君不得私而留以俟後人不佞其得私兩夫子之祠爲己事哉生勉之吾儒作事與與緇流羽客大不相同不佞亦無庸贅述不徑不竇聞禮聞詩諸舊說爲募化具但凡屬詩書名教中人聞有斯舉必無以不得與爲



幸者若其自外於兩夫子而欲使他人私爲己有則亦不必以斯舉告之然不佞竊謂秉彝同好吾陽夏必無是人也

上李大中丞書

耿繡彝

二月十六日癸未科進士耿繡彝謹再拜奉書於大中丞閣下竊惟書院之設聚四方人文而董之學典隆任重辱蒙委幣而受任焉時惴惴不克負荷是懼因不能無言之敬布於左右學校者人材之盛衰風俗之汙隆俱係於斯加意而作新之所以振士風而進於三代之隆者恃此具也顧世之論者動謂古今人不相及竊嘗惑焉未敢必以爲然而又不得不以爲然夫今人之不及古人者應非無故而然矣古之學者以實今之學者以名而又倡爲求士三代以下惟恐不好名之說以濟其私此又與於好名之甚者也譬之火燃竈突而復濟之薪水溢河渠而復鑿其隄匪惟莫救不更有甚焉者乎閣下謂此四方之來學者將講學論道以求實而來乎抑沽名要譽欲托閣下以自顯著者乎人心之不同如其面焉此誠不可得而知者也語云上有好者下必有甚焉是在風

## 太康縣志

卷六 藝文志下

一七

勵自上耳如今者閣下設誠斷行兩月間不惜數千金而書院垂成復謀各憲臺捐俸製地城南二十頃以供永遠食用之費前此未有也四方君子聞之已有鼓舞震動爭自淬礪之機矣固知來學之士未必務名不實各懷不肖之心以苟且應上而負閣下之美意者也且夫詩書之文禮樂射御書數之法其在古者未嘗盡泯於今也經義治事之成規未嘗不可做而行之也閣下復聚集古書如五經廿一史性理綱鑑程朱全書以及律例子書等貯之一室責令封掌入此取彼俾人人得以博古通今上下數千載微求性命道德之旨顯辨興衰治亂之源論世尙友不甘爲一世士而閣下又時以政事之暇登堂講論導以實行而激發其天真士苟有志未有不磨礪爭先者也即安在今人不及古人耶彝再拜

上邑侯樸公書

耿繡彝

彝頓首再拜敢奉書於父臺閣下聞之政治之原關乎風化風化之本存乎節義節義者乾坤之正氣所鍾而生人之至性所留者也蓋自天地以來光日星



而垂史策於今爲烈矣我康邑縣治東北饗宮西隅節烈之祠其來已久今之說者謂是往日士民之所公而舉者也是前邑侯及各憲臺之所申而請者也是聖天子之所允賜建祠而以春秋祀之者也是節烈之靈爽所棲而一邑之人心風化維繫而不斷者也典顧不重哉第歲久易圯風雨之所薄蝕烏鼠之所穿鑿棟宇全頽故址僅存其無以安節烈之靈而享歲祀之報也非一日矣我公自下車以來補缺舉墮無廢不興獨此祠至今未修者豈以催科撫字未暇及此耶否則其俟闔邑之公請以特重其事耶否則其待政通人和而以此修觀風化之成耶抑或者謂當世鬚眉男子隱忍偷生視顏事仇而殺身成仁舍生取義者之千百未聞什一也閨壺之節義區區又何論耶而吾謂人視其所自立安在衣冠中無巾幗而閨壺中無丈夫也且節義之性純一不回當其孤意一往不有於身何有於名不有於名何有於祠耶節烈不必借此而存而存節烈者不必不借乎此也夫亦各盡其道而已矣况聞風興起修理卽寓獎勵其裨益於政治者豈淺鮮也哉唯公其留意焉

## 太康縣志

卷六 藝文志下

一八

太康陵碑文

乾隆五十一年

畢沅

太康縣東南有夏太康少康二陵按之圖經皆無所據蓋近代所剏始矣歲在丙午知縣陶君應遇丞徐君書受爲禁樵牧立斯貞石余惟有舉莫廢且嘉令丞之耐平其政又案諸地記曰今縣城夏后氏太康所築則因城爲陵義當由此爰爲之文曰帝承胙祗之後昏陸之餘見夫三才奠定百揆時叙蓬蓬白雲遵玄野而游戲翼翼萬舞據黃屋而沈酣又鴻流旣平陵谷斯顯波無惑人之蟲原有走壙之獸於是夷羿在列彎射日之弓羲和從游載盈川之酒前歌後舞于野于田雖不無佚豫之譏猶想見承平之烈焉以視姬德旣衰屈瑤池而荒晏殷軌非順懟藍夷而遠征蓋有間矣若陵之肇始也崇墉言言旣錫乎帝號則原野膺膺亦稱茲歸宿南望神井開王之始基西瞻大陵朝宗之故績此則城經屢圯化鶴之蹤不迷阜有一成騎龍之鄉宛在可以栖其神爽歆其俎豆者矣

少康陵碑文

此碑爲神廟畢公題爲少康蓋沿前志之誤

前人



夫帝配天之勛發祥於自寶馭世之烈肇迹於烹鮮九有有截起於一成之田萬邦來同成於一旅之衆雖曰盛德之祀必及於百世而中興之業實闢於萬代焉遂使燎原之火餘燼燭於三辰盪陸之舟凶德終於一瞬窮門之尸與河龍而並醢桃部之骨隨防風而共戮偉矣哉黃帝之至德見端於蚩尤少康之殊績功成於羿稟豐沛英主非可言於同日曹魏幼君所當發之高論者矣昔者軒轅上升乃有橋陵之號殷武迷塚亦傳蒲坂之墟則夫因其丘陵景彼風烈虞思之二姚距南臺而百里治亭之故國阻鴻河而數重愴念烈祖筮亨之雲以黃暹瞻文孫穀關之雨偏黑神無不在即舉而莫廢者乎後之蒞斯土者護其豐碑表其遺樹不能無厚望云

席義士傳

耿 颺

康人相傳有義士者曰席氏諱洪樞字古邱康遜母里人也少任俠不事儒書明邑令丹徒朱公廉其才厚待之一日奉命齎餉走河朔經杏園有悞格殺人者當論抵固子遺子也其父母貧且老而被格死者亦子遺子其父母之貧且

太康縣志

卷六 藝文志下

一九

老且逾甚格人者之父母泣請之曰吾與若各一嗣今若子不幸爲吾子所格若嗣絕吾子亦不能獨生吾不敢因緣以枉國法也雖然吾亦有說吾與若之墓木拱矣苟質官然後刑勢必三覆五訊累歲月吾與若牽連不知死所矣吾今與若約請自爲格殺之以抵若子命若子死不枉吾二老骨免於溝壑若是何如被格者之父母曰吾甚痛吾子之死而吾弗嗣也吾子死吾不能獨生吾填溝壑矣若子死吾子若子亦不能獨生若亦將填溝壑吾聞死者不可以復生與其死二子而斬二祀毋寧死一而斬一也雖然吾亦猶有說吾與若之墓木拱矣而又貧吾子死吾必死吾無子吾死將無殮若能以十金先吾具焉吾脫若子不然則聽子之自爲計也聞者皆憐而義之獨格人者之父母有難色衆讓之曰若愛金不若子耶亦既脫子於難矣乃不德之是喜而以憂吾不知之矣老者曰是非爾所知也昔吾子以吾疾篤貸諸親願一金不可得今吾子罹於法吾貧且老又計無復出顧安得十金者爲之脫命哉吾聞殺人者抵厥有常典計惟格殺之便衆睽繞之莫有出一金者俄而義士來見一老人拽一



少年格以壯挺且格且哭榜一老嫗蒙面而號義士詢以故即排衆疾呼曰若勿格吾爲若貸子命衆廉之不知其爲誰也義士毀朱封之鏹如其數以授老人老人叩請之不爲告疾馳去矣於是二老之訟平義士潛至家亦不告以故亟變易牛產以償官算既得金將復往而在官之朱封不可復得矣義士惶恐詣邑令自實其罪願飲杖朱公義之脫其役俾寧於家越數月義士之子待聘以文學領鄉薦時人謂之十金食報云傳者曰嗟乎人一生所費豈止十金哉乃不以之赴急難而以之市溫飽無怪乎其終身泯沒以死也以余觀席君當日所行事豈嘗有裕後者存其中哉卒之澤及後人名傳天壤事何榮也彼二老者一割愛以奉法一忍恩以全義亦錚錚不多覩者惜其不以姓氏著也獨計彼時睽繞之衆其中豈無有一二仁人義士者乃相視而歎莫出一金以視席公之毀朱投鏹策蹇長驅度越居何等耶吁夫亦可以觀人矣

郭氏三忠祠特祭碑文

高崧

郭氏爲太康宦裔由來尙矣其間簪纓接踵科第傳芳載在志乘者不備述惟

太康縣志

卷六 藝文志下

一一〇

明有諱曾者以舉人授磨勘司令同潁川侯傅友德平兩廣有功陞御史台治書再傳有諱濟者永樂戊子解元陞鎮江府知府又再傳有諱緒者成化庚子舉人辛丑進士歷任雲南左參議時西南思祿蠻叛據地千里奉敕招撫歸侵地陞四川督糧參政此皆有邊功於朝而以忠稱者也萬歷間邑侯詳請上憲特建三忠祠春秋兩丁委官以猪羊致祭崇禎壬午逆闖寇太康三忠祠毀於兵燹而特祭亦失迨國朝定鼎而郭氏衰微祠堂雖建特祭未復時道光丙申三月間生員郭志進郭常欽等具呈詳請藩憲蒙批據呈各情有無志乘可考是否與祀典相符仰陳州府飭縣確查妥議詳奪予因確查太康志書并郭氏家乘據實轉詳藩憲復批由縣按春秋二季捐資致祭以昭崇敬余謹遵憲檄捐錢百串發當生息以備猪羊祭品復以所捐之資詳請立案藩憲以如詳立案準之此可謂垂久遠而無廢弛者且路判公爲郭氏發祥之始太僕公有撫封卜兔之功以配享焉於戲苟其宏勳偉烈足表當年以垂後世安有不食其報者諸公雖沒數百年而祀典克隆輿情稱快其亦道德之不容泯也夫是爲



序

道光十六年歲次丙申重陽日撰

友梅說

龍廷霖

歲在丙戌余館於秣陵城南主人故巨族然情文外彊中乾與余意稍河漢館址乃主人別墅庭中有老梅一株旁羅雜卉余日夕徙倚其下主人方樹桃李蒔牡丹爲聲華之逐無暇與老梅爲緣而余一觴一詠未嘗不與老梅共是主人與梅實客而余與梅則主人也昔人云人生得一知己可以無憾余與梅可謂知己矣已而思之方余之未與梅交也檻外之清風窻前之明月久與梅爲至契况謾謾者松猗猗者竹皆梅之伯仲也奚必俟余始稱知己哉特是余之始至也梅含笑以迎我余之將去也梅又含笑以送我梅不能言而我以詩歌與之言梅不能飲而我以氣味導之飲知從前之清風明月塢松徑竹其與梅交者僅其名而余與梅交者則其實也余非梅之知己而何嗟乎蓮以濂溪而名菊以陶令而名松栢以尼父而名梅自何水部行吟以來踏雪巡篋發詠者幾遍天下矣然西湖孤山因有和靖先生而後之言梅者轉祖述之豈非物以人重哉噫嘻何地無梅何地無主人而羅浮之縞素與童子之緣衣卒不肯與主人爲緣豈以主人之無酒哉

秋圃齋文集序

王訖桂

項城人

往與又哲劇談曰驅天下人才文章於空疏粗獷之域者其制藝與語錄乎然制藝之誤人也淺語錄之誤人也深蓋自新法一變蘇子有清談之譏朱子有侮聖之評馴至割裂裁搭之說出不必聰明絕特始知其謬戾也而今語錄也者出講章唾餘爲佛老偈頌儀神易貌千年一律優孟衣冠新豐鷄犬用力也少託名也高以事功爲粗迹以註疏爲俗學掩鄙陋曰不文何病詆博雅曰玩物喪志問守先待後之旨則爭朱陸異同也問體國經野之方則執井田封建也窮先天奧託中行說而天下無可行之事古今皆可議之人矣噫嘻知不出八比之外妄詡一貫之傳未有學古之獲無能面牆之失林亭先生謂木僵人空虛學者直其然與入主出奴沿訛踵謬末造流弊不止爲枵腹無用者開方

太康縣志

卷六 藝文志下

一一



便之門直爲奔競貴緣者開終南之徑夫如是而人才有不掃地俱盡者哉嗚乎齊梁蟬噪不聞聖賢爲文戲洙泗薪傳豈其矯激以村談狂瀾難挽隨波不甘從吾所好罪我何恤又哲撫掌曰有是哉雖過激之言亦不刊之論然子其捫括囊無重取時忌爲也已而予避難依又哲又哲方銳意聯鄉守意外之吠影吠聲大抵不越空疏粗獷者近是又哲乃口說手書旁引曲喻揆諸往古參之時宜村夫市豎翕然應之而若輩簧鼓其間曰是迂闊之談也是出位之謀也揭帖紛紛遠近如沸又哲慨然曰愚人難與慮始固也若而人者文名震一時其識反出愚人下吾今有以驗子之言矣願杜門以著書顧風鶴之時警備有謂庾賢黃華叔子翠微者在乎子何覓之吾將繼往予之蘇二載又哲不果來而西徙予兩過又哲語又哲出一編以示曰此區區欲見諸施爲而未能者也子其爲之序嗚呼豈又哲初心哉蓋嘗論之古之用人也無資格之拘爲學也無近名之心三代以還法愈變而弊愈生上不收作人之效下純爲虛聲之盜揆厥由來積非一日矣夫以經明行修之又哲連不得志於有司既不克黼

## 太康縣志

卷六 藝文志下

一三一

黻皇猷建久安長治之策又不獲優遊鄉里廣通德君子之風有識者讀其文思其遇可以觀世變矣然而議論酌仲長昌言之選金石繼中郎有道之遺出有物之言爲不朽之業將所謂淑世惠人者或在此而不在彼耶抑又聞之五色成文馨者不麗其彩八風從律矐者未聆其和是則清濁異質通塞殊形秉天地偏駁之氣即聖賢亦無可如何者與吾嘗讀新吾先生守城救命書而有感矣危言竦論異世猶毛髮爲漸灑極口狂詆當時肆蜉蝣之謗傷則又哲斯文其貽空疏粗獷者以口實尙待問哉還以又哲規予者爲又哲告曰子其蘊匱而藏無重取時忌爲也

### 詔旌劉用九妻何氏貞烈碑

翰林李 袞 撰 碑 陰 刻 人

劉烈婦諱淑靜姓何氏河南太康人祖岐勅贈承德郎戶部主事父維貴州思南府知府何氏生而慧幼頗讀書識字義年十七歸邑庠生劉季芳子用九又七年何氏年二十四歲用九病度不起何氏謂用九候我我不令君獨死時父以會試將携家入京何氏來拜父行且與訣曰罔極之恩不能報大人行



且自愛兒不及見大人歸拜家慶矣父義之淚數行下口不忍許其死遂行及用九歿何氏卽不大哭泣遂啖棗梨數顆結束倥傯若將遠行者內外戚屬咸來諭止之不聽已相向大哭曰汝善事舅姑老作劉家孝婦亦可甘心奚必苦苦求死何氏曰吾父昔撰吾曾祖公墓志盛稱吾曾祖姑陳氏事今歷歷猶在耳吾顧不能爾耶曾祖公故沂州同知演也死數日而殯葬陳氏殉焉故何氏云然且曰用九氣未斷時既許以死肉未寒而背之不數爲人家人知不可奪密相戒守之不令頃刻去左右何氏竟不得死乃大悲曰是不欲我作同路鬼耶取嫁時衣物悉火之以不貽父母遺悽是晚以口渴給守者俾入厨煨棗侑茶乃潛詣用九之柩右而死焉蓋用九死在正月二日而何氏死在其月二十四日竟得同葬嗚呼烈矣匹夫匹婦爭豆羹尺布比比至喪身者此固不足道卽一時憤激欲蹈節守志亦有矣然間一二日顧瞻先後意或稍衰焉至五六日十餘日則初意索然矣矧甘言怵語者不一人乎何氏可謂烈也有司以其事上詔旌其門如例余方樂傳其事而知府復爲余道其女焚衣物時火中若

## 太康縣志

卷六 藝文志下

一三二

見有花狀者並出其邑學生袁嘉賢所爲狀欲得余文勒之石上知府與家父爲同年余故義不敢辭而爲之銘曰於維淑媛胄出名門夫也俶儻佐之溫溫一朝失侶誓節身敦而不憚死求若璵璠羣咻罔動日久愈存蘭蓀質美栽培有原煌煌綸命寥寥墓園穹碑聳視澆風尙淳

吏治

李 濬

善祛弊者在於清其源未有源不清而流能潔者也今天下吏治之弊極矣寇賊之橫財賦之匱風俗之悍其端皆基於吏治之弛夫其所以弛者大抵不奉公不愛民以官爲恒產而計享富貴長子孫也國家之待吏非不厚也繩吏非不嚴也而吏顧如是者曰有所恃也有所化也何恃乎曰請託曰賄賂何化乎曰逢迎曰軟熟二者弊之原也故爲今之計杜請託絕賄賂擢強項斥圓通別才德之宜當賞罰之權寬文網之密俾之久任而各展所長則吏弊可得而清矣士之初入仕途者其本心豈遂樂依阿而甘蚤緣哉鬻直者笑迂拙脂韋者合時宜方不能不化爲圓矣附勢者無才而譽來孤立者多才而毀至貞不能



不化爲比矣錢語則罪轉爲功功語則升反爲降廉不能不化爲貪矣夫天下非無才吏循吏也而皆趨於俗吏之一途者勢也勢始於不能爲強吏化一時之俗吏而使之強道在請託既杜賄賂既絕亟擇州縣有氣節者一二人排衆議而超擢之以爲倡尤貪懦者參劾之以爲懲復以虛公之心聯尊卑之情於現任候補人員中察其孰才孰德詢言而事試之俾有才者治嚴疆以安良而禦侮有德者治樂土以裕賦而恤民試之而有功則賞賞必當其功試之而無功則罰罰必當其罪其有功者卽時挂吏議必設法愛護而保全之孔子所謂赦小過也行之既久察其人地實宜者則除一切簡委拔署對調之說而使久於其任絕傳舍趨避之見消苟且奔競之心減閭閻迎送之煩杜胥吏奸蠹之竄則視官如家治公猶私才盡其能而德厚其澤矣彼不才不德者知黃綠徒勞攀援無力參罰立至身家俱空有不改絃易轍而勉爲強吏者哉士胥化爲強吏則一切之弊不除而自祛孔子曰舉直錯諸枉能使枉者直此也不然彼其所恃所化者牢不可破卽極意整頓諄諭之嚴戒之大聲疾呼如雷霆之震

## 太康縣志

卷六 藝文志下

一四

驚竊恐狃於積弊而若罔聞知也故曰善祛弊者在清其源也

半榻軒遺文序

王新楨

余束髮受書時聞師長言北去余居十里有效藝堂耿氏者當明清之間七世同居內外幾百口男耕女織一門雍睦且讀書以文學著名當世舉進士登賢書者代不乏人而明經弟子員殆指不勝屈也心竊志之及壯遊鄂督學幕淮陽曹君次樞來購藏書次樞心乎程朱之學者欲輯中州道學考詢及耿氏遺書余無以應也歸而求諸耿氏無所得蓋其門祚中衰書香幾斷先人遺集僅有存者不肯出以示人矣嗣於友人處得半榻軒詩文集讀之覺其文皆見道之言雖一詠一吟亦卽小見大不徒藻績聲律爲工誠先民之矩矱後學之津梁也余今老矣歸臥田園耿氏後裔紹洛篤志向學一日携半榻軒遺文來言曰此我七世祖用中公晚年之作稿藏於家未鋟版竊恐遺失不傳也欲付石印以公諸世與已刻詩文並行可乎余讀之既曰可哉此不獨汝先人之手澤抑亦舉世之指南也紹洛本寒士教讀爲業而能汲汲表揚前烈則所以光大



門庭而繼家學之淵源其在此乎

重印效藝堂自課日知錄序

前人

甲寅之秋余杜門家居耿君紹洛携其先人亦夔公所著日知錄來言曰吾先代諸君子著述甚富有未及鐫版者有已鐫行世而版燬於兵火至今無存者其存本惟半榻軒詩文集及此編二種而已恐久而遺失也欲付之石印以廣其傳請賜一言弁諸首余受而讀之不禁喟然曰鄰村有大賢而不及知雖知之而未讀其書不知其賢之能任斯道而其書之能明斯道也愧何如矣蓋亦夔先生家學淵源其來有自而又從教於夏峯孫徵君且與睢陽湯潛菴嵩陽耿逸菴兩先生相友善嘗共講習宜造誼如是之純而見道如是之切也其言曰日月逾邁若弗云來因檢從前所存及近今所見偶有一得隨筆記之名曰日知錄用以自課非敢告人殆取子夏日知其所亡月無忘其所能之意云爾昔淮陽曹次樞欲輯中州道學考詢及耿氏遺書而余無以應今歷三十餘年始獲讀此本又適值重印而得附名簡末豈非甚幸而并爲嚮時之所甚幸哉

太康縣志

卷六 藝文志下

一一五

嗟乎斯道之傳至今不絕如縷矣紹洛乃借其先祖之書以傳先聖先賢之道也其用心之深爲何如與

贈右都御史劉公松巖神道碑銘

俞 樾

昔在咸豐之初大盜起於粵西窟於金陵蔓於天下而卒藉上海一隅彈丸之地爲旋乾轉坤之樞紐其時將帥之臣赫然稱中興元功生膺五等之封而歿受百世之祀者非一人矣然而上海一隅獨完以留待大軍之集者誰之力歟則太康劉公之功大矣公諱郇膏字松巖先世山西洪洞遷河南太康遂爲太康人曾祖某祖某父某皆以義行重於鄉公於兄弟行居三生而沉毅有大志年二十一入郡學道光二十年舉於鄉二十七年成進士以知縣分發江蘇始至卽誓於神不苟取一介咸豐二年權知婁縣開濬白龍潭官紹塘諸處爲旱澇之備又以邑無儲蓄按畝捐粟分存各鄉官民互稽歲以爲例及賊陷金陵揚州鎮江相繼失守東南震驚時趙靜山中丞守松江與公鎮之以靜民賴以安無何而上海亂川沙南匯嘉定寶山青浦諸廳縣並陷公時已受代回省巡



撫忠烈吉公督師剿賊檄公隨營公率漕勇三百人與賊戰輒勝嘉定父老知公才請於台司專以嘉定屬公三年正月收復嘉定遂權知縣事甫三日上海大營潰潰兵至城下民一夕數驚公親出拊循資而遣之選丁壯嚴守望稽保甲籍遊民於是民心大定後獲賊諜知賊某日謀襲縣城以有備而寢也兵亂之後十室九空公爲民請命春請停徵秋請減緩雖經兵燹境無流亡叙功加同知銜賜花翎補授青浦縣疏通汙港修築圩塘有便於民者無不備舉蓋公之所至類然而其大有造於東南爲中興大局所關則尤在於上海公於八年冬調補上海縣既下車大減折糧之值俾小戶皆得自納毋令豪右把持又嚴定命案檢驗所需蓬廠舟車之費倡捐經費歲取其息由善堂給發勿令吏胥需索滬人便之交口頌好官然猶賢有司常行之事非其大者也自與泰西互市以來上海華夷雜處數構釁九年夏民間夜行或行曠野者輒被夷人拘羸而去日失數人或數十人想於蘇松太道而觀察某君不敢問且擬執以謝夷人民益洶洶聚衆萬餘環道署公聞趨至下令曰無妄動吾且爲爾搜夷館入

## 太康縣志

卷六 藝文志下

一一六

白觀察與俱往入門門闔又入又闔觀察急沮公笑曰我既至此肯遽出乎盍闔爲夷人曰搜而不獲奈何曰聽若所爲搜之果無獲夷人大譁公叱曰未搜爾船誰敢言無乃登其船搜第一層曰無搜第二層曰無夷又大譁公叱曰未搜艙底誰敢言無命搜第三層版甫啓而人見纍纍然皆盛以巨囊出之有已斃者有悶絕而仆者皆曳登岸當岸觀者歡呼如雷夷人震懼伏首謝無狀立使人乘其船鼓輪行千里追回他船所匿者千餘人於是夷人畏公遇鹵簿輒屏立道右而上海之民莫不歸心於公公之得有爲於滬由此始也其後江浙皆陷於賊上海孤懸賊中朝不保夕公練民兵於四鄉設二十局撫之以恩激之以義無不願爲公死賊李秀成既陷松江遂犯上海肉薄環攻槍礮如雨公衣冠佩刀坐城堞間意氣益振目睫不交者旬有餘日賊不得問而去時諸大吏咸集上海或以危地難久守謀他徙公曰滬城雄據海口爲餉源所自出雲帆轉海各路皆通異日王師規復必從此始奈何舍此去乎大吏慚沮嗚呼使無公此議一動足則上海不可守而南北隔絕兵道餉道皆斷雖有肅毅伯之



師何從而至此固天意而亦不可謂非公之功矣然公自此不得於大吏十一年冬賊復陷浦東諸廳縣大吏命公往援公曰賊勢盛宜守不宜戰弗聽公率練勇千鄉團五百以行鏖戰數晝夜部下死傷殆盡賊呼於衆曰擒劉某者賞千金公奮身投水或拯之起退屯野離墩收散卒謀復戰而城中望見烽火燭天又不知公所在民大聳號於大吏之門曰還我劉公大吏亦懼使人招公還且約曰自今以往聽子而行公於是籌餉詰姦禁暴爲自固之計賊雖據浦東而滬上晏如也是時境內無論遠近主客皆呼公爲劉青天劉青天之名達於天聽有劉令大得民心之諡見於咸豐十一年詔書加道銜以知府用升海防同知旋以同知署按察使未幾卽眞又署布政使郡佐間曹驟至藩臬異數也今大學士肅毅伯合肥李公帥師至滬命公總理營務恒率鄉團助勦或李公親行則公留守及大兵駐崑山軍精皆取給上海公開濟吳淞江千五百丈以通運道而金陵雨花臺大營亦資上海協濟兩營月餉無虛二十萬公籌運無缺士氣益奮進克蘇州是爲東南肅清之始公曩者力爭上海不可棄至是驗

## 太康縣志

卷六 藝文志下

一一七

矣蘇城既復公撫循遺子招集流亡通商惠工勸耕課織興修學舍疏通城河善後之事次第皆舉會有減賦之詔公念數百年吳民積累坐此罄竭既奉德音敢不竭力參考成書鉤稽賦則立均輸遞減之表旁行斜上細入秋毫并歷年州縣浮收紳士包攬之弊無不杜絕及公奉命護理巡撫爲兵燹後第一次征收漕糧公酌定漕餘耗折章程官民咸便至今賴焉公以初至江蘇有一介不苟之誓僚屬投贈一切禁絕自奉儉約食無兼味衣敝不易務在黜華崇樸爲吳士庶養瘡痍而復元氣此固人之所難然在公轉爲易會母程太夫人老病思歸累疏陳情溫旨慰留未遂所請已而太夫人卒公號呼擗踊悲動行路奉喪歸里水涸行遲三月之久始達太康積勞之身哀痛之餘觸發宿疾遂不可爲矣同治五年十二月乙巳卒於里第年四十有九是時李公以湖廣總督駐軍周家口聞公之喪追念在上海時與公撐拄艱難情事如昨爲之愴然流涕乃上言公厚重剛方實心任事爲僚屬中不可多得之人請照軍營立功後病故例賜恤從之贈公右都御史銜蔭一子以知州用其後上海士民請於上



海建立專祠而蘇州士大夫又請祀於名宦祠公之一身固安危所繫而朝廷之報之者亦優矣公娶姜氏早卒繼取楊氏生子一果光緒十二年進士禮部精膳司主事妾張氏生子一竊增貢生候選州判女四人歸於裴於吳於周於申孫三人某某公既歿之後二十五年其子果具事實乞銘其神道之碑余謂公政績不可勝書也惟表明其爲東南大局所關以告天下萬世因係以銘銘曰

盜起粵西蔓延天下東南奧區得全者寡天佑聖清留此一隅實維滬瀆管轄三吳滬瀆彈丸城大如斗不有偉人其何能守篤生劉公是爲偉人夷獠慕義婦豎歸仁謂餉宜籌謂兵宜練謂姦宜鋤謂民宜奠遂使滬瀆屹若金湯賊環於外安堵如常神鉦一聲飛來天上惟合肥公實兼將相自滬而蘇以次蕩平三吳既定兩浙皆清兵何自來來也自滬滬何能全惟公砥柱萬口一聲曰劉青天功在一時名垂千年我謂公功尤關大局立右刻銘爲萬世告

誥授資政大夫典禮院學士兼署副掌院學士紹巖劉公神道碑銘

## 太康縣志

卷六 藝文志下

一一八

柯劭忞

宣統三年冬劭忞與紹巖劉公同拜典禮學士之命劭忞方宣慰山東未蒞任明年公已去國又二年公以爭鐵路事入都握手歎語劭忞曰禮所以齊民也今棄如弁髦亂其未艾乎公歸未逾年而凶聞至嗚呼如公之博篤雖唐宋議禮名臣不能過也惜不遇其時爾德宗皇帝賓天劭忞自貴州返見鹿文端公於北闕下文端曰庚子之亂禮部典籍亡失今迭遭皇太后大行皇帝之喪百司惶駭無所援據賴禮部劉君諳習舊章故事辦而禮無違劭忞始歎公劭於官守爲不負所學也先是庚子秋鑿輿西狩明年上三十慶節公扈從行在總辦萬壽典禮人服其敏練以爲克稱職既而朝廷更庶政釐定官制以新天下耳目議者頗謂禮部所司陳舊宜并於學部公上書孫文正公極言安上全下莫善於禮學部掌膠庠造士之法不應併禮於學文正躋之禮部得不廢至宣統三年併內閣翰林院禮部爲典禮院猶以有讜言存典禮之名且授公學士兼署副掌院學士公恂恂儒者立身不爲崖岸然意所不可未嘗曲徇學部尙



書榮文恪公素知公奏調爲丞參上行走右丞喬君樹榘文恪倚爲左右手一日語稍侵公公遽以本部事劇不能兼顧辭文恪喟然曰吾謂劉君平易乃耿介如是耶公爲禮學館總纂與政務處服制辯論精嚴士論稱之河南人鳩費築鐵路計臣攬爲國有公爭之力故鄉人尤推公能任大事公擢典禮院學士兼署副掌院學士可以行其志矣乃玉步已更公亦棄官而去嗚呼稀已公諱果字紹巖河南太康人光緒丙戌進士禮部主事充會典館纂修遷員外郎郎中充禮學館總纂京察一等記名道府擢禮部右丞再擢典禮院學士兼署典禮院副掌院學士公生於咸豐乙卯某月日卒於甲寅十二月五日則民國三年也春秋六十曾祖士學祖運景俱贈光祿大夫公配張夫人子祖熨三品廕生法部七品小京官公於乙卯十月三十日葬於太康常營鎮之新阡祖熨走京師乞劾恣爲外碑謹撮公生平大節以告天下後世且係以銘銘曰

# 太康縣志

卷五 藝志文下

一一九

終始禮官挈其綱維據我計謨閭閻侃侃昌言不撓以斥衆譁虞淵日昃履氛  
曠曠公亦懸車天胡不弔冤瑱朋生椽我元夫我爲銘詩刊之貞石不泐不磨  
清故獲嘉縣教諭竹亭張先生墓表  
劉郇膏

嗚呼此竹亭先生之墓也先生與先君子居相近長同遊同補博士弟子員先  
君子以明經齋志沒而先生登嘉慶甲子科副榜久次爲獲嘉縣教諭道光丁  
未小子膏捷南宮假歸里門適先生養疾家居得拜於牀下先生愛之如子弟  
諄諄以循吏相勸勉未幾觀政姑熟而先生之訃至矣噫吁悲夫時是歲之十  
一月二十六日也閱二歲先生子爲慧卜葬先生於祖原既句銘於余同年生  
鄆陵蘇君源生復不憚於千里走使持狀以表墓之文屬膏嗚呼若先生者其  
可風也已先生始祖諱信山西沁水縣寶莊人明初遷太康曾大父日燦邑庠  
生生歲貢生瑾瑾生一峯國學生公父也以公貴誥贈如其官妣吳氏勅封孺  
人贈公夢瑞蓮而生公二歲自識其姓字故贈公奇愛之比長剛介果毅嚴交  
遊恥澆忍不詭隨不阿世意所不可舍之如割獨行其是百折不回不知者幾



以爲迂且拙也弱冠受知於歛鮑覺生先生感激知遇益自刻勵嘗局鍵一室飲食自牖精心揣摩以求一當而卒厄於有司遂絕意場屋日與田父野老相往還杜請託絕干謁足跡不履公庭邑侯某聞公名欲一見卒不可得其篤志自守如此及受命司鐸尤以禮自處尺寸不稍假易故事迎春東郊舉行時祀惟學博得與縣令同次司儀者故布席如簿尉前學博莫能爭先生力辨其非因著論以明之縣令大爲愧屈同僚閻東碧曰冷官之氣伸矣道光辛丑河決開封部使者檄民出芻薪塞河以軍興法督趣鄉民譁然公左右縣令諭以大義鮮怨譴而芻榘無後期至嗚呼自明季以風義氣節相矜尙當事者懲於門戶朋黨之弊而實以渾厚和同之風其間有風裁峻嶒壁立千仞者必多方裁抑之使至於刮方爲圓而後已故百餘年以來士大夫爭以模稜爲通方以唯諾退避爲識時務稍稍挫折貶損相與含忍安之耳一旦國家有小利害大抵袖手觀望而已否則陷之矣若先生其猶古之士歟先生貌清雅頤而長眉廣而鬚疏目光炯炯射人居常喜汲引後進正襟危坐娓娓數百言不倦與同人

## 太康縣志

卷六 藝文志下

二〇

辨論往來必伸其說乃已膏於先生爲同年家子聞先生訓最悉欽其品而悲其嗇於用又重以爲慧之請故特表而出之使揭諸隧道之石以爲鄉梓風云先生姓張氏諱可大字化甫竹亭其號也

清例授修職郎候選訓導附貢生履亭王先生墓表 安維峻 甘肅人

有躬行君子履亭先生者姓王氏諱新泰河南太康世家也自其始祖諱元佐以來祀鄉賢忠義名宦入郡縣志大明一統志中州人物志者凡八世世所稱三司農王氏者是也祖奉政公諱魁銘父中憲公諱化平世德相承以啓先生先生昆弟四人兄楷庭提學與余誼屬同年宦甘時曾共修本省通志志同道合滄桑後挂冠歸歲丙辰孟秋忽抱鶴原之痛越辛酉夏郵寄所撰先生事略屬爲墓表不敢以不文辭按狀先生生於咸豐壬子九月訖捐館春秋六十有五貌魁梧聲洪亮幼卽勤學善悟出言中理十五能文章弱冠入邑庠六應鄉試不利設帳授徒多所成就而學益邃以附貢就職訓導初提學出嗣伯父後及通籍京秩改官陝西連遭本生父本生繼母暨嗣父喪皆先生親視含殮提



學歸但同舉葬事既而四弟三弟先後歿家事一敦先生勤儉儲積增置田宅多所皆人所厭薄不取者價雖昂不校於營產中隱寓濟困之意堂弟等以地質人每代爲贖歸及再質且出售悉聽之其質地於己者不久並契地歸還蓋不忍兼并所親之業也弟侄輩或乏食按月資給從父化岐晚年貧苦生供養瞻歿具殮葬每年糧漕開征合近族代爲完納初不責償仁粟義漿惠周行乞遇老病加給衣褲其居鄉也有王彥方風其避亂也抱管幼安志其爲人排難解紛也又如魯仲連而往往賙賙錢文不但於己無所利焉已也世局所迫票選鄉長爲衆公推辭不獲已乃蒞事維時權利之風日競凡置身局所者每假公以自私自利甚至爲虎作倀不惜犧牲人民者比比也先生以清白之操力挽狂瀾於驗契養兵印花雜稅諸歛調停新法體恤民艱事舉而費省同事者和衷共濟不濫用公錢一文他邑至取以爲法噫以先生之孝友施於有政而桑梓近蒙其福所稱躬行君子者其表見已如此設使早年得志任天下大計名臣事業何不可媲美先世哉而惜乎以鄉先生老也先生嘗於莊西闢一小

## 太康縣志

卷六 藝文志下

三二

園築室兩間植桃百株隙地栽花種菜穿池養魚提學自甘歸署曰小桃源意謂叙天倫之樂事可以借隱也而先生卒以勘驗河工勞瘁過甚一病不起遠近聞之咸奔走弔哭如失所親宜提學之悼念不置也配魏氏早卒繼配王氏子男四吧然岫然嶸然峒然俱業儒女四長適李次適孫三四俱幼孫男四在書在朝在衡在銓嗚呼爲善無不報不於其身於其子孫如先生者可以風矣因揭於其墓之原賜進士出身中憲大夫前內閣特用侍讀年愚弟安維峻拜撰

歲貢生授嵩縣訓導內閣典籍銜李公行狀

朱撰卿

邑人

公諱濬字又哲世籍太康人秋圃其別號也公端凝性成自幼學時已屹然若老成人英年入庠食餼文名甲一郡初未嘗以帖括業自圍務求古人明體達用之要真積力行之實每寫書齋一聯云立脚怕隨流俗轉留心學到古人難其自期待之重如此公父性豪邁好賓客晚年樂與親舊作平原飲公雖家資單寒供給無少怠故里中稱孝焉昆仲三人父母卒悉以家產付兩弟而自以



硯耕糊口嘗傳辟穀法以救歉歲方田法以防旱澇法皆經驗至今鄉里猶有相沿用者鄉試屢薦卒困諸生而積學之聞騰播遠邇其教士也本身作則隨材盡誠而尤異乎世俗學者則在端品行立氣節慎交遊一時邑中名士多出其門其從遊久而獲益厚者恒奉爲家學後因捻匪之亂避居梁垣時巡撫部院嚴公渭春以兵事方殷發策求才公乃目擊時艱盡傾所學條陳事宜策上幕府皆驚遂見知於嚴公暨幕賓方公宗誠而公初無干進意待方公相訪然後深相接納方公索其文集攬之深許爲有體有用之學薦之嚴公時粵逆苗逆皖匪屢擾豫省曾相僧王勦撫未定嚴公籌辦豫省軍務常多咨訪一時當事諸巨公因是皆知公名公此時亦力以通省生靈爲己任故常爲文以論三逆情形河南大局了然胸中知無不言言鮮不中其經略設施詳具文集後嚴公以採訪忠節見委乃於省中議立忠節局至今局中猶守程例亂甫定自梁旋里太邑舊例兵役車馬由差役派民時困兵荒差役乘機舞弊鄉民被害良深邑紳公議立車馬一局上便公事下除役蠹鄉民利賴數十年其立局之時

## 太康縣志

卷六 藝文志下

三二一

資公之力尤多學使景其濬訪方公以中州碩儒方公以公及鄆陵蘇源生西華于錦堂對學使遂以學品兼優疏薦特旨以訓導用選授嵩縣在任凡所以課士者一如居鄉設教時士心悅服同治八年巡撫李公鶴年復以公佐邑侯祝壇辦理鄉團留心時務奏請加內閣典籍銜李公思用以重任以才疏堅辭遂以十年冬卒於嵩縣學署生平操履不苟在塾及署終日端坐身無惰容雖盛暑未嘗露體讀書好手錄生平鈔書極多廿一史其大者也終身不慣作草字字無大小必端坐工筆門生有質者應之曰吾非僅作字如此凡有所爲一苟且則於心不合耳所交皆以道義相接以學問相勵而無些許世途氣當淮陽友人郝蓉塘以事被褫公力爲營救且深加規勸語古項友人王詵桂流落不偶嘗以全家相依亦任之無難色至於子孫生業未嘗一介於懷酷嗜積書邑人劉公郁膏撫江蘇嘗應其聘歸時一切饋遺俱辭不受惟川資堅辭不允乃不啓封識持至書肆市書一篋而歸其於財物之洒脫如此故其卒於學舍也篋無一金賴嵩邑侯力始克歸葬其著作之存者有文集五卷未克梓行至



揜匪紀略今已佚矣方公嘗序其文且表其墓曰君之文必傳無疑後世當有知君者生終年月詳墓表已訂文集中謹狀其行實如右

清授資政大夫甘肅候補道署提學使王公墓誌銘

前 人

歲辛未月日邑太史資政王公大葬有期前事公冢嗣雲峰齊衰造余以瘞石之文見屬余肅謝曰鄉先進邃學清品皆非後進所窺敢言誌乎且寸私方傷哲萎又何忍銘也雲峰戚然曰固有是然非先生莫屬不獲辭迺敬從事按狀公諱新楨字楷庭自號兩一子其遠祖自宋末由晉來遷爲邑望族久已八世祖諱輔運以進士歷官荆南道湖廣學政見邑乘曾祖諱來祥妣氏某祖諱仲銘妣氏李父諱化南字澤遠妣氏劉本生祖諱魁銘妣氏李本生父諱化平字德均妣氏何吳三代以公貴均贈資政大夫妣均贈二品夫人德均公四子長即公故以後胞兄澤遠公天資英敏總角讀四子書即通其義甫成童文已成章十六入邑庠儒學劉粹夫器之公乃受業門下與睢陽三白及本邑尙選初朱啓運共相切磋而學益進旋補增食餼由拔萃科中光緒己卯鄉試第三丙

## 太康縣志

卷六 藝文志下

三三一

戊捷南宮點翰林庶吉士散館籤工部虞衡司家貧資祿養改知縣候選旋丁本生父艱既起復選授陝西雒南縣缺履任月餘又丁本生繼母憂暨嗣父憂服闋到陝歷蒙差委克盡厥職庚子鑾輿西狩適鹿滋軒尙書隨扈西來公與滋軒從子潤生屬同年誼相知延公教讀旋委辦回鑾餉差竣回陝委署澄城復充癸卯山陝合闈同考官旋奉部文補吳堡未到任因前保升直隸州知州請咨赴引入都過道班指分甘肅先是陝甘總督升允與公有文字契既抵甘即蒙委巡警局通志局教練處各總辦公首以關中大儒李二曲合請配享申訴升帥卽爲轉奏蒙准宣統元年長帥到甘委公署提學使交卸後委辦陸軍學堂三年後復署提學使壬子共和告成公遂上書辭提學職並交出各總辦差束裝旋里飲餞數百人咸服去就之勇嗚呼公於出處固早斟酌劃一矣豈臨變倉卒矜情一時哉公學深養粹溫外而介中所受知於鹿相升帥者在是而仕路崎嶇亦俱因是爲學確守程朱歸田後危坐一室日披覽理學宗傳宋元明諸儒學案各有論辨在甘時與秦安安曉峰白五齋趙汝篤交最深歸



來後猶通存問詩溫柔敦厚發自性天中式後主講項城書院與項邑夏默齋  
余棣堂諸名士極詩酒唱酌之盛高勉之視學湖北函公襄閱荆襄德黃遊歷  
所經胥歸吟編當委辦陸軍學堂時同鄉李子襄以京差到甘考試法官公與  
場中職員更相唱和印有法闡唱酬集生平最慕宋歐陽文忠之爲人尤酷愛  
其文故以兩一子自號公學術詩文丰度均堪步武永叔而際遇不逮上不獲  
以名翰苑黼黻丹宸下不獲以賢太守與民同樂晚年復傷心國事位不酬才  
遇不酬德謂非命與然命之所在公固早知而安之矣所著有新封神一部文  
稿十二册詩集六册隨筆記二册軼事異事時事記各一册藏家未梓公生於  
道光三十年十月二十九日卒於民國二十年八月十八日申時壽八十有二  
以清服殮原配孫夫人繼配張夫人均有婦德見稱閭閻俱先公卒胞弟三叔  
季皆早世仲字履亭附貢生胞妹一適尙門子一峻然即雲峰礦學畢業例獎  
拔貢孫夫人出娶王氏生員榮女繼娶許氏生員崇基女孫二在謨娶高氏生  
員青雲女在謙出嗣孫女一幼曾孫二錦茂錦苞雲峰卜於本年陰曆十一月

## 太康縣志

卷六 藝文志下

三四

二十八日奉柩合厝村東新阡兩夫人之墓禮也噫辛亥後吾鄉以大僚黃冠  
故里者二劉典禮學士與公也典禮之歿余傳之哀之矣茲又誌公銘公乎吁  
死者已矣後死者又誰歸也銘曰孰拔而起高科顯仕操如左券孰尼而止粟  
里柴桑素位無願金錫圭璧銜華佩寶發爲文章爭光月日生未酬志歿有榮  
施敬鏤公石以待來茲德里之東實公之封式庇奕葉繩繩隆隆

清贈文林郎邑庠生朱公墓誌銘

大理院 顧紹鈞 江西南

謂天可信則夷不餓顏不夭謂不可信卒未見善人之無後觀太康朱公有可  
徵矣公諱福五字慶雲以字行其先世爲晉洪洞籍明初遷太康居邑西北鄧  
禹台村公六世祖諱存良字成章身經兩代克守宅里高祖諱遐字澤廣曾祖  
諱正武字帝修祖諱紹康字振環上舍生振環公善事兄鬚髮已蒼責必順受  
命必立行協力敦業起家過中人產慷慨能施閭黨重之父諱倫明字喻義以  
德壽膺鄉耆民母程爲邑望族喻義公孝行尤篤終其身行習著察宗族鄉黨  
稱無間言詳具家傳公昆仲四人行二性堅毅幼時戲嬉造作不成不休初束



髮與隣村王某同蒙館即識其爲奸險人後某果爲一方虎冠紳成童後攻苦力學時同邑李秋圃先生字又哲品端行修學有源淵乃委質焉閱八載得備聞中州諸先正宗傳值捻匪亂家中落兄弟亦各炊乃辭師以筆耕養親旋受知景宗師入邑庠初公長兄中年天遺孤尙友甫數齡被匪擄去公偕弟徒步數百里行冰雪中拚死入賊巢贖歸力任教養卒成邑庠勸兩弟務農恒分館穀給匱乏有兩堂姪貧不能婚力爲資娶皆成數口家而公妻子衣食恒不給也事親致敬致愛雖貧必豐處約能權兩居親喪家奠時擗踊哀號幾致哀毀教人確守先正遺範先行後文凡從遊皆知以敦品飭行爲實際尤善講畫門下入邑庠十餘人年逾四十始有子撰卿甫能言即口受經文稍長督訓嚴正章句帖括外輔以先儒先正諸學說文行並進雖粗糲布素不能給而課程所在不以饑寒間也撰卿以十八入庠時公年六旬一方後進仰爲宗工矩矱云公雖貧窶而嗜義厚仁出自性分光緒三年歲大稔時館穀薄甚日兩餐雜以野蔬木葉猶不能時偶遇父子流徙者其翁孳屍路側兒十餘齡哀號屍旁牽

## 太康縣志

卷六 藝文志下

二五

公衣求救公惻然顧人瘞翁收養其兒迨年豐能自食始遣去凡周給貧苦分食食人若忘己之無隔宿儲者居鄉訓俗善化雖與村農譙談亦必語以孝親睦族務本業戒匪爲所居下逮婦孺皆得聞禮義廉耻之大範解紛息訟每廢寢食雖奔波數晝夜不憚勞晚年植榆數株於門首顏其楣以慶榆堂曰易大傳積善之家必有余慶此榆所以志也光緒乙未十二月二十八日卒享壽六十有八公歿後七年壬寅撰卿以附生領鄉薦宣統庚戌撰卿由舉人會考一等以知縣分陝西補用而公不及見矣公原配孺人黃繼氏徐黃孺人母家固小康孺人來歸時母氏許以膏腴田六畝爲鍼黹費孺人以情告公曰吾固貧然非阿家所得周也孺人敬諾遂絕口不索母家租每歸寧回携甘軟食物入房獻公公即正色曰子婦有食物不奉諸堂上而私吾乎孺人瞿然曰噫矣自是雖一瓜一棗未嘗入私室中年以病卒徐孺人當未出閣時值捻匪竄太西境孺人偕女伴隨難民徒奔避寇暮抵扶溝呂潭河畔橋頭車馬塞途不能前回顧賊騎已及孺人曰女流至此萬無生理吾輩各自決計遂奮身投河中幸



衣禮厚得浮水面數里仰觀星斗聞人聲知寇遠呼救獲免既歸公家貧如洗而公上事父母下課子侄曷有曷亡不以中饋累心者孺人之助爲多翁姑歿值節序祭品几案必豐必潔皆躬親晚患癱身不下床逢祭日猶目監子婦等陳供具命子代拜先靈而後安卒於光緒丁未正月二日享壽七十撰卿之分陝也未之省卽奉公暨兩孺人行述介太康禮部劉具禮謁余以瘞墓之文請余既不獲辭謹據狀臚其大者如右公勅贈文林郎元配黃繼配徐皆勅封孺人喻義太公暨德配程太孺人貽贈如其官公子男二長撰卿次挺卿徐孺人出女一黃孺人出適苑門孫男三欽旨欽增撰卿出欽熙挺卿出孫女一亦適苑門挺卿出噫積善餘慶如可信也榆堂之慶其遠條且乎銘曰卓哉贈公豪情壯志遇窮益堅行敦孝友學有宗傳膠庠造士鄉閭歸仁詩書之澤食報後人刑于有化閨門士行利不苟取義重生輕陽夏之原旣固旣安墓門有石以利其嗣永式德元

李氏谷氏母女雙節傳

朱撰卿

太康縣志

卷六 藝文志下

二二六

人生天地必有與立故宇宙雖大而維綱常於不墜履困蹇以終亨者惟恃此節義忠孝之人出其至性以力爲撐支彌綸遂使造物之局無頹而不振缺而不完之憾此立人之道所以堪與兩大參也蓋安常處順道之所在常人可勉惟值天翻地覆山窮水盡生死成敗一息千秋造物亦若故設此奇阨以試練至性之人而玉成之故或舍生以取義或堅忍以濟艱殊途異趨而總歸於一心之無憾持此以求上至名公巨卿下訖學士大夫猶落落不數指屈而每間發於婦女巾幗之中斯亦奇矣况蓬門圭竇母女繼武舉兩間泣幽冥感鬼神之事竟成爲孤幃授受之槩燼則又事之奇而又奇者也奇者不容不傳故旣聞其行遂臚其事本邑崔橋地方楊丘營谷宗田繼室李氏年十七歸宗田氏固邑名族幼嫻家訓克盡婦職前室遺女僅週歲撫之若己出女越八九歲猶不知其非生母也翁姑交稱其賢甫七年生一子二女而宗田死氏痛不欲生而視翁姑方切喪子悲子女皆數齡繞膝號泣慘如錐心乃翻然易慮曰此身分宜死耳但一死且重貽高堂感並令茲藐諸孤零丁無依夫將不瞑目矣與



其成一日之名傷二老之心何如飲終身之痛終亡夫之事也於是屏鉛華勤家政上孝翁姑下訓子女堅志苦衷夫也天只而已翁姑既暮年又喪子悲悼致疾廢臥牀第氏視奉湯藥二年餘如一日及翁姑相繼逝世經理喪葬悉遵典禮翁姑在時有二甥女早失怙恃且貧甚終歲寄外家氏仍承二老心撫育無異情姊若妹皆距婚期數日始去妝奩衣物氏悉竭力營之理家明大體而尤注意教子一節子六七歲卽入塾就師逮能任事亦不肯勞以家務每訓之曰吾所以忍須臾死而欲慰爾父之志者惟冀子之或能成立耳後子弱冠知名卽邑增廣生名慶雲者也氏所生長女爲邑祝某妻年十八于歸事翁姑以孝聞母氏之訓也歸祝僅九年生子心田五歲而祝逝氏仰天嘆曰吾幼喪父吾母遭此阨彼蒼者天今何又降割我家也念吾父之逝也母氏不敢輕捐一日之生歷千辛萬苦以有今日以慰吾父志今吾也蒼蒼之老與母氏同呱呱之孤與母氏同知所以處此者母氏有家法矣因之不卽殉夫所以矢志勵節孝親教子者一如李氏模訓子甚嚴燈下每自督課不以其幼失怙而少寬又

## 太康縣志

卷六 藝文志下

三七

十年而翁亡事繼姑孔竭志承歡事無巨細悉協姑心嘗語人曰得婦如此吾兒不死矣教子勤學十餘載雖未掇一芹而童試屢列前茅今子已成立孫四人一庭家瑞人以爲節孝之報云今上初元普沛覃恩綸音所頒首重採訪節孝以惠幽貞以勵風化卿誼忝桑梓聞此一門母女俱以苦節始以甘節終是雖未舍生於一日而其純孝完貞固與捐軀殉節者同無憾也因志其事并爲詩五章以詠之以授其賢嗣庶採風者有所考焉

詩曰

渦水湯湯東流泱泱注茲我陽夏淑媛萃芳猗淑媛之芳以振我綱常

其淑伊何維谷與李雙媛嗣徽維母與女猗皇風之醇矣猗閭閻之深矣猗雙媛之苦辛矣

二章

其辛維何李氏來婦歲十有六七載孝敬夫也不祿氏亦有言一死節全胡康茲白髮夫心胡安胡撫茲藐孤夫志胡全以孝以慈沒葬生賢波及二甥女居養歸險諸事罄宜夫也隕目氏也摧肝

三章



嗣徽維何李有令女寶適祝公維母李之訓宜姑宜翁胡天不弔年甫三九襲  
丁母凶谷氏曰吁母有前蹤蒼蒼呱呱責在我躬我躬胡踏維母之迹我責胡  
盡維夫之續其松其栢其冰其霜懿兩幃之血淚篤爲家慶 叶卷四章  
其慶維何李媛有子早掇芹香慶又伊何李女谷媛子也成立孫也成行維家  
之慶維國之光維秉彝之好永言弗忘疇采民風惠茲幽貞言錫龍章以寵我  
梓桑以扶我正氣以振我家邦 五章

### 鮮民傳

王新楨

先生何許人也曰民也曰太康民籍也幼讀書爲士成進士爲官官於京官於  
陝甘無何以中華而民其國矣於是棄官回籍反初服而仍爲民或曰汝欲爲  
逸民乎曰孔子稱逸民首伯夷聖之清者也次柳下惠聖之和者也何可當也  
後漢書逸民傳向長云一日讀易至損益二卦乃知貴不如賤富不如貧但未  
知生之於死何如耳蓼莪之詩曰鮮民之生不如死之久矣喟然嘆曰吾其名  
曰鮮民乎或曰無父何怙無母何恃凡父母俱無者皆可稱而非一已可獨據  
太康縣志

卷六 藝文志下

三八

以名也然則斯民也其爲鮮能中庸之民乎抑耕田而食鑿井而飲鮮能知味  
之民乎民乎能名焉知德者鮮矣既亡父母終鮮兄弟貿貿然踽踽然龔贖餘  
生溷跡民國之中悠哉游哉聊以卒歲不知老之將至也行年七十有六不知  
所終  
論曰昔謁選在京有同鄉約飯以大盤盛羊肉一方魚一尾予異之主人笑曰  
此鮮字也治國如烹鮮斯之謂矣今民以鮮名將蘇武仗漢節所看海上之羊  
嚴光被羊裘所釣大澤之魚合之不亦此鮮字乎吾知鮮民殆牧夫抑漁父之  
流亞也故又自號魚羊老人云

清臆封奉政大夫晉封中憲大夫恩普王公墓表

王新楨

清光緒十三年丁亥我二叔父恩普公歿因啓我二叔母之櫬合窆於祖塋四  
昭之次至今幾三十年始與弟新泰謀伐石立我高祖以下及我父若叔墓碑  
以志不忘而所以表我叔父之墓者則姪新楨不容辭其責也念我王氏自元  
彰德路判贈戶部侍郎元佐祖運米賑饑厚有積德一傳而爲明戶部尙書鈿



祖兄弟八人從此宗支繁衍再傳爲戶部侍郎淪祖是爲三司農又四傳而爲湖廣參政朝賢祖又三傳而爲維川縣尹榮寵祖又傳而爲清上荆南兵備道輔運祖又傳而爲青田縣丞鈿祖又傳而爲新安縣訓導澤麒祖自是而後服官者少至我祖父家產以分而薄道光年間河決黑岡吾鄉頂衝而田廬蕩然矣家無生計我祖父惟相率檢水中豆萁爲柴易粟無隔宿糧若遭雨雪每向午不舉火亦不肯求人升合間一年河口塞而復開我祖父則販牲畜爲生時而涉水過胸時而船行幾覆均獲無恙此新植所習聞者故能詳也我二叔母歿卽不復娶咸豐間皖匪竄擾吾鄉我祖父使家口避居城寨而已居守每謂一身無牽挂雖陷於賊而不懼後屢陷賊中均獲脫我祖父偕昆季戮力耕作手創門楣延師教姪輩讀書新植成進士新泰新政入庠我祖父以食指衆宜廣儲積故光緒初年連歲荒旱人多餓斃而吾家不至缺糧且以餘糧分贍族隣之極貧者我祖父秉性嚴正治家有方眷口三十人皆受範圍未嘗有異議此新植所身受而目睹者故不覺言之贅也我祖父才智明斷族隣或有爭執

## 太康縣志

卷六 藝文志下

三九

一經批評無不悅服而息少年皆嚴憚之飲博之習不敢逞且多聞善記事經耳目數十年不忘叔祖銘高良醫也我祖父夜晚聽其講解久而遂通家人偶疾往往以單方醫之輒瘥推之牛馬亦效鄉里賴而感之至今猶頌盛德焉嗚呼殆孟子所謂豪傑之士歟以姪新植官翰林院庶吉士賜封奉政大夫晉封中憲大夫距生於嘉慶乙亥享年七十有三配王氏贈宜人晉封恭人我三叔父長子新立爲嗣孫男二戡然巖然曾孫男六前族長朝重嘗有言曰我族讀書成名者衆矣而能作正大事業上不愧祖宗下足範子孫者乃於化周見之子夏云雖曰未學吾必謂之學矣若化周者安得以不學無術少之哉嗚呼允矣化周我祖父諱也歲次乙卯胞姪新植謹表

續恨賦

并序

王新植

江文通恨賦千古絕唱而中叙六事大要皆其人以恨死而哀其死以爲恨李太白擬恨賦標舉八事足補文通所未備李次青謂太白曠代逸才不耐束縛此賦乃矩步繩趨若此足見古人虛心不以摹擬爲病竊念自



有五色生花二筆在前後人欲與頡頏難矣而尤西堂乃作反恨賦說得天花亂墜與會淋漓此賦出雖文通太白不能不驚詫畏後人矣予嘗反覆讀此三賦而歎後有作者欲再拈此題無從下筆矣昨忽悟古來尤有一等可恨之人可恨之事爲三賦所未及因補書之作續恨賦惟筆力冗弱不無慚恧耳

試觀青史孰爲小人孰爲君子一薰一蕕一彼一此善惡分明何譽何毀乃有一人之身有初鮮終初志聖賢終爲奸雄恨不早死遺臭無窮昔者漢祚中衰外戚擅權五侯齊封勢燄熏天莽獨節儉禮意相先被服儒生師友稱賢謙恭下士勳名爛焉奈何不死天假之年遂爲亂賊篡殺禍延楊雄家貧無儋石儲嗜酒好學博極羣書騷反屈原賦擬相如太玄法言通經明儒胡入新室不死而仕被收投閣情亦可恥書莽大夫春秋之旨蔡邕醉龍久著學行忠具諫書孝本天性經文鐫碑後儒取正繪像圖形東國宗敬奈何不死於刺客不死於謫地終坐卓黨死於囚繫曠世逸才爲世所棄至若元稹才子名達宮闈氣節

## 太康縣志

卷六 藝文志下

四〇

文章彪炳一時嚶嚶不屑狂狷所爲利祿功名豈能動之言行峭直遂謫外郡困頓十年違道干進失身宦官心何可問微晉公言難逃輿論五代之際廉耻道喪馮道歸唐直節能抗大臣風度季世之望崇韜重誨莫出其上老而不死爲四朝相號長樂老自叙爲榮癡頑其性狗彘其行爲馮瀛王惟善逢迎宋王安石文名蓋世躬行道德自負經濟羣賢交薦乃擢上第仍安恬退不慕榮勢及位宰輔允爲得君力變新法擯棄正人沸騰士夫騷動黎民北宋之亡於此伏根南宋秦檜詞學兼茂曉暢兵機四事進奏諫與金地勁節不撓爭立邦昌忠心益懋奈何從帝北狩不死南歸主和誤國罷戰殺飛失中原而不顧棄二聖而如遺包藏禍心利災安危明季經略承疇洪氏出師遼東忠義自誓人傳陣亡懷宗下淚藉慰貞魂爲文以祭奈何不死爲囚於清學文文山又復不成新朝元老方叔南征舊君子孫爲鯢爲鯨他如嚴顏降而空留斷頭之名哥舒敗而覲爲肉眼之說文君愛才而不避私奔之嫌宣華承寵而竟拜同心之結此皆轉念一差墮其晚節玷難磨圭錯成鑄鐵千秋萬歲此恨莫雪吁嗟乎前



人已死兮後人復生一生一死兮恨不能平胡前後猶是一人兮或早死如泰山之重而死晚如鴻毛之輕董狐直筆月旦公評先舜後黷記載分明前人不暇自恨而後人恨之後人恨之而不鑒之亦徒使人撫膺切齒而爲太息痛恨之聲

詩存

謝玄

唐孫元晏

百萬兵來逼合肥謝玄爲將統雄師旌旗首尾千餘里渾不消他一局碁

袁粲

前人

負才尙氣滿朝知高臥閑吟見客稀獨步何人識袁尹白楊郊外醉方歸

謝朓三首

前人

謝家諸子盡蘭香各震芳名滿帝鄉惟有千金更堪重只將高臥向齊王  
解璽傳呼昭侍中却來高臥豈疏慵此時忠節還稀有差羨君王特地容  
小輿升殿掌鈞台不免無繆却憶回應恨被他何胤誤悔先容易出山來

太康縣志

卷六 藝文志下

四一

駐節太康

郎士元

霜葉飛紅過夏墟金風吹雁集荒渠鞭揮清渭分流外目送烏江遠樹餘五子  
歌聲猶在耳十旬獵迹已成畚天時人事堪惆悵悶對牙旗展簿書

夏初醴泉南樓送太康顏少府

岑參

何地堪相餞南樓出萬家可憐高處送遠見故人車野果新成子庭槐欲作花  
愛君兄弟好書向穎中誇

江樓送太康郭主簿赴嶺南

劉長卿

對酒憐君安可論當官愛士如平原料錢用盡却爲謗食客空多誰報恩萬里  
孤舟向南越蒼梧雲中暮帆滅樹色應無江北秋天涯尙見淮陽月驛路南隨  
桂水流猿聲不絕到炎州青山落日那堪望惟見思君江上樓

巡歷太康

元史天澤

奉使孤城駐馬蹄霜風冽冽戰旌旗一鉤薄暮天邊月照見禽荒舊地基

過太康

明彭綱



化美聞今日俗淳見古風遠懷吾土近真與是邦同故舊凋零外衣冠感慨中  
民興三代後况遇歲時豐

八月九日奉送顧公致政還太康

楊士奇學士 陵大

潞潞初晴漲未消衣冠祖餞出河橋登名科第踰三紀奉職京華已四朝肯以  
暮齡孤寵祿永懷幽興在漁樵徒令衰疾淹留者帳望溟鴻不可招

又

王一寧台郡

十年肅政總臺綱白簡曾飛六月霜骨鯁丹心存社稷冰清高節擅巖廊到家  
好結耆英會歸路須登書錦堂莫羨懸車多寵異天書褒錫更輝光

太康城感舊

王 鈞

遼鶴悲風華表寒陵遷谷變不勝歎荒城似斗居人少蔓草連雲戰血乾陶母  
林巒渾草莽馬堤花柳已凋殘傷心三十年前事淚著衣衫點點斑

同吳撫臺謁顧端肅祠

明王 璇

春省巡遊問倒懸畫熊到處麗山川前朝風采垂今古此日聲名耀後先仰止

### 太康縣志

卷六 藝文志下

四二一

松筠千載肅行看堂蔭百秋延司農崇祀真奇遇名世交輝映簡編

霸王臺弔古

郭顯忠

項王駐馬有高臺此日登臨野色開赤帝符成炎運起烏江兵散楚歌哀幾家  
烟火依寒壘一代雄圖付古堆過眼興亡那可論未央宮殿久塵埃

高密侯墓

朱 禔邑教

高密封來迹已陳尚留荒塚臥麒麟征車莫怪殷勤式曾是雲臺第一人

黃岡早發

劉 湜

片帆清曉發迢遞渡黃岡遲日明沙草輕風動野棠宦情隨驛轉行色入詩囊  
回首山城樹青青引興長

王節婦

賈 詠學士 頤大

黃鵠歌殘拭淚痕紫鸞詔下表閨門中郎有女共姜節令伯陳情祖母恩八十  
一年人已沒百千萬載史應存紛紛世上裙釵輩華袞誰能得片言

又



掩鏡離鸞六十霜鉛華無復對晨粧孤孫百世箕裘業貞節千年宅里光南史漫勞誇令女國風誰復頌共姜九泉好晤夫君面笑指心同百鍊鋼

弔郭烈婦

王瑞麟 邑舉人

汾陽子弟自錚錚更有閨房策令名不逐三春桃李艷惟堅百歲鳳鸞盟微軀堪爲綱常碎奇節從教汗簡青瘞骨山前千古月常懸龍樹照霜旌

劉烈婦

陳 蕓 應城人

束髮從君君已捐妾今何忍獨長年自知一死同塵夢不把綱常卸玉肩鸞鳳連翩歸碧海松蘿千古渺蒼烟誰云仗節真難事况是柔腸也石堅

道傍五女

師尚道傍失姓氏太康五女塚

郭顯忠

烽火縱橫遍野村道傍枯骨幾黃昏荒雲落日迷歸路彤管遺編洒淚痕莫笑紅顏埋草莽爭如白璧照乾坤獨憐抔土無人問剩有清風慰爾魂

九烈女塚

耿 燿

朱門華屋幾經秋烈女貞魂尚有邱地聚羣芳埋碧玉天全浩氣入青疇寒雲

太康縣志

卷六 藝文志下

四二

舊識千年骨蔓草無言九點愁日暮行人憑弔處數聲啼雁過沙州

輓魏縣令殉城難

鄭道長

寇滿中原已莫支肝腸寸斷守陴時臨危肯以偷生改誓死難將大節移萬古忠魂騰碧漢千秋正氣奠皇維真卿巡遠今何在烈日秋霜四海知

寶塔歌

郭顯忠

高塔突兀直直虛空南望嵩室四崢峒夜登海底見日紅中州兩河在目中千村萬戶如蒿蓬何人經始何人終父老云出中丞公吾康中丞一世雄岳降生申明且聰抗疏曾擊貂璫叢手挽節鉞跨神驄言念城邑勢虧東議建浮屠增崇隆鄉里小兒願從翁內有申叟衆莫同重義輕財奏厥功九級盤根俱石礪曲蹬攀緣透玲瓏斗大寶瓶金錯銅舍利密藏佛光融東南半壁直掛虹呼吸之氣與天通碧眼真人白玉童危簷往來御長風俯視吾康憐困窮願將民隱達帝宮勿使水旱再相逢帝遣巨鰲來奠此城隈千載鎮年豐

霸王臺歌

宋 齡



西楚霸王成敗奇，斬令斬將血淋漓。鉅鹿兵威咸陽火，裂地分王任肱。麾垓下楚歌胡頓集，大澤田父何爲欺。豈惟咤聲怒成恨，豈惟印刃德轉怨。當年書劍不耐學，猛力暴氣凌千萬。水火之中益深熱，富貴還鄉祇虛願。悲哉分隊騎馳下，不聽愛姬泣。深夜江東豈能留，面目雄心到此難。復溯楚漢特起皆英雄，豈似曹馬專行詐。攬觀勝負興亡間，上帝陰鷲不少假。叮嗟乎千里騅猶加憐，千金首可棄。捐拔山蓋世勇，安在荒臺蔓草到今傳。

節孝李母吟

清邑令 馮千英 進士

自古重綱常，精光日星揭。由來浩然氣，生死永不滅。賢母松栢姿，孝與節雙烈。良人少失恃，音容追恍惚。璇閨承厥志，製象搏檀屑。宛然視無形，奉之猶不沒。一身兼嚴慈，孤雛勤護恤。絳帷自教兒，飛鳴成令哲。茶蘖六十年，節孝旌門閥。裕後復耀前，千秋挺萃律。一朝坐尸解，遐齡享大耋。雪夜吐金光，遠邇驚發越。孝感徹九霄，清魂凝瑞霽。冰心月共耀，玉質霜同潔。貞木何矯矯，菁葱蔭佳楸。曾孫毓芝蘭，綸音旌墓碣。

太康縣志

卷六 藝文志下

四四

輓烈女

壬午冬風一少婦賊欲執之，大罵不從，被殺於河東岸。

魏觀鵬

烈女魂何在，蕭蕭過水東。良玉沉沙底，真金出火中。一身千載恨，九死萬夫雄。試看磚百煉，猶帶血痕紅。

輓李烈女

張普照

稚女何從學，水心似鏡天。青鸞未見影，黃鶴已成篇。但願同生死，誰言計後先。九泉期一面，相慶更相憐。

九烈女塚

耿繡彝

漫將節義專，同儔尙有荒墳衆。女流拚得貞魂如，一日留來烈氣自。千秋楓林日落餘寒翠，畫翼風高起暮愁。爲薄湘江啼竹者，甘心次第入松楸。

渦水三章爲王榮勳妻張氏節孝作

董篤行 都御

渦之水其流清，斯淑人君子其德貞。斯

白之山峻且巖，兮淑人君子美且賢。兮

渦水湯湯，白山蒼蒼。淑人君子，山高水長。



學宮告成

邵 詵 邑庠生

泗水平分此地多流來宮殿壯巍峨人親俎豆千年澤天縱文章萬頃波  
畫棟烟雲飛泰岱朱門松柏插巖阿於今莫漫誇輪奐好傍壇除共切磋

義學課士 朴邑候建學甫成課士

鄭正心

領得春風一日情瑤花棋樹並爭榮文翁蜀郡徵才日伯起關西典學聲金屑  
銷鎔歸大冶玉山參錯見羣英招賢正爾開東閣不數言游僅滅明

陶母岡

耿 颺

陶母岡上樹如齒陶母岡下種禾黍登高四望盡平原中有一邱歸然起里人  
訛傳是晉時陶侃之母葬於此晉代銅駝生荆棘中原蹂躪無休息武昌旌旗  
日傍午何年載母此窀穸或者以訛復傳訛爲岡爲陵不可識雨後土耕見瓦  
缶耕人拾得陶與窳置之几案色黝然周彝漢鼎同博古我家陶母岡之西每  
疑岡名爲陶母久之相習轉相親何必孜孜辨假真有時依樹爲良友有時藉  
草爲錦茵携酒先澆胸塊壘餘酣却問長眠人

太康縣志

卷六 藝文志下

四五

春田

邵采臣

雨足平疇土脈酥耕耘無恙問農夫此間不是雍涼地也有幽風入畫圖

歌臺流響

邑令 戴鳳翔 江西北

當年苦口戒盤游人去臺空響易流此日登臨懷古調悲風落木一時秋

霸壘斜陽

叱咤風雲拒漢家于今舊壘夕陽斜美人駿馬終黃土臺畔秋聲咽暮笳

蓮池夜月

邑令 武昌國 拔旗真

西湖幾曲荷風院剪取湖光纔一片半規素月出波心萬朶清香來水面

渦水秋瀾

渦河洄復似深溪石水猶無六斗泥流入江南作風景秋來仍見綠楊堤

輓苑丹颺先生二首

周兄萬春七月十六日訪余秋圃書房始知先生於四月歸道山矣哀於衷不能自已賦此聊伸餘痛

李 濬

纔過孟蘭節周君枉敝廬別來先及訃坐定各長歎又失同心者

姜君維六卒於去年六月

相違半月餘

先生六月十日過談

永懷酸楚思邨外小停車



碩德鄉邦重艱難更依公安危一言定癸丑生力持困正裁不然先姦盜四時空倡

賦屏化俗真剴切邑區區慮慮民民多方阻礙練談經訝博通誰為桑梓福不禁

淚西風

詠郭節母五古一章

王燦然

鬱鬱貞心松疏勁節竹松貞耐歲寒竹勁傲霜肅卓哉郭母賢女誠守慎淑  
于歸宜室家婦孝稱宗族何期四五年夫病竟不祿地下誓相從同穴葬山麓  
有兒方歲餘有姑盲兩目堂上須奉養膝下賴顧復之死矢靡它無乃死太速  
大義共責難安得不心服身作未亡人忍痛不夜哭從此俯仰間懇懇勤事畜  
姑沒葬以禮兒長教之讀辛苦四十年終為天所福孝慈兩無愧節貞名愈馥  
及身邀旌表卒年旬逾六寶婺星已隕猶餘風清穆至今原墓上高拱冬青木

詠太康古蹟十二首

王新楨

陳賢墓

陳亢字子禽陳人子車之弟少孔子四十歲宋高宗封南頓侯遙瞻祠墓

### 太康縣志

卷六 藝文志下

四六

拜先賢松栢森森尚蔚然詩禮得聞何足異宰妻用殉頗通權東山列坐化霑  
雨南頓封侯爵本天西望共城邱隴近馨香俎豆共千年

高賢墓

高柴字子羔左傳作季羔禮檀弓作子皋史記云少孔子三歲家語云少  
孔子四十歲唐封共城伯宋封共城侯

按闕里文獻考高子柴齊大夫高氏之族甘肅新通志云係高傒十代孫  
必非無稽則其為齊人無疑項城淮陽新縣志均注齊人一作衛人吾縣  
志直注衛人邑令宋公士莊所為墓記有云康邑一隅既生陳子復生高  
子若直以高陳二子同為吾縣人者或以其墓在斯故為文未暇深考耳  
以愚意度之殆齊人而遷居於衛者也按家語子皋為衛士師則人之足  
及逃蒯賸之難而刑者為闔人救之者三遂歸魯孔子即於是年沒三年  
之外不回齊而回衛遂流寓於宦遊之地焉然其墓在吾縣何也衛與陳  
接壤高子與子禽年相若又素相契且與子禽兄子車同仕於衛意者其



來遊於陳而遽然病歿卽卜葬於是其子孫亦重於改葬或有移居守墓者而俎豆馨香因千古此地豈非吾縣之光哉

共侯籍里問何方派衍高傒世澤長四子齊名愚可貴三年泣血孝尤彰難逃仕衛脫魚網績著宰成歌蟹筐垂老南遊嗟不返長留祠墓在吾鄉

### 樊噲墓

按漢書本傳噲沛人賜爵列侯與剖符世世勿絕食舞陽號舞陽侯孝惠六年薨諡曰武侯墓何以在此無考又縣志河渠燕城河在縣西北七十里自通許界至樊噲口四十里則吾縣爲當年楚漢相爭之地亦卽侯提戈斬級立功處地以其名傳則當爲屯兵壁壘後誤指爲墓耳

爲有屠刀勝筆刀封侯端不讓蕭曹起兵豐沛從龍早擁盾鴻門啗彘豪虎將聲威千里震狗功指示一邱高可惜壯士終黃土只借風薰墓上蒿

### 寶陵

在城西北五十里附考

按綱目唐武德四年春正月唐秦王世民擊鄭鄭主王世充與戰敗走二

## 太康縣志

卷六 藝文志下

四七

月夏王建德將兵救鄭夏五月秦王世民大破擒之鄭主世充降秋七月秦王世民至長安獻俘太廟赦王世充斬竇建德當建德之被擒也其餘衆走至洛州欲立建德養子爲主徵兵以拒唐僕射齊善行曰夏王英武士馬精強一朝爲擒易如反掌豈非天命有所屬耶今喪敗如此必無所成不若委心請命於唐乃與裴矩曹旦率百官奉建德妻曹氏及傳國八璽請降於唐及建德斬於市善行已爲秦王左護軍矩旦當仍在長安也請於唐備棺殮葬應爲唐所許若此則不葬於長安境內必葬於貝州漳南原籍胡葬於此頗不可解或曰建德常發鄴中墓開棺見一婦人顏色美麗衣制非近代所有候之似有氣息收養之三日而能言云我三國魏文帝時宮人隨甄后死葬於此說甄后見害事了了分明建德甚寵愛之至是建德滅帝將納焉乃具以事白且曰妾閉泉壤已三百年非竇公何以見天日不可有負乃自殺此事綦怪第以弱女子能知報恩當必有義烈之士受建德恩者竊其屍以逃不敢回貝州潛至此地而埋之然此地



至長安千七八百里臆度之詞何足憑信但此一帶岡嶺自西北蜿蜒而

來或以有姓竇人居之名竇嶺或以多種豆名豆嶺之訛傳亦未可知也

古道夕陽煙靄迷夏王陵樹亂烏啼當年豆惜入牛口先有豆入牛口雖存不

牛口渚此日草看沒馬蹄抔土莫尋岡上下堆沙誤認路東西英雄竟作無頭

鬼疑塚何須定有稽

次公別墅附考

縣志城西南十八里有黃岡相傳爲黃次公別墅漢書本傳霸字次公武

帝末以待詔入錢賞官補侍郎謁者坐同產有罪劾免後復入穀補左馮

翊以霸入財爲官不署右職使領郡錢穀計簿書正以廉稱前後入錢入

穀補官必爲富家其有別墅宜也然至今幾二千年故址已無存矣

黃岡說是次公居別墅風流韻有餘漢室勛名循吏傳潁川政績史臣書終爲

丞相膺侯爵歸臥故園愛舊廬遺址而今猶在否閑來過訪問樵漁

## 成仁閣附考

卷六 藝文志下

四八

## 太康縣志

舊志在馬廠東七里廖氏祠堂前明勛公廖永安赴敵逢難其子昇殉建

文之難昇從姪鏞銘竊其師方孝儒屍被收論死幼子璣賴一婢引至太

康因家焉其裔孫諮經行讓偕其族建祠及閣乾隆十一年提學使者題

其祠曰忠義世昭十二年後使者題其閣曰成仁閣今閣歸然祠前在大

廖村也

廖家累世有忠臣臨難舍生甘殺身節比文山能取義屍埋正學自成仁歸然

傑閣靈光似留得鴻題大字新後裔至今肯堂構英風餘烈繼前人

重遊泮水有感

前人

余同治乙丑入庠至今已六十年爲重遊泮水之期雖考試已停此典已

廢然讀古人重遊詩心竊慕之七月念一日遂破不入城市之例與文廟

奉祀官李君延齡同至

文廟謁聖遊泮一周時駐紮軍隊感而賦此以識今昔之慨焉

門掩村廬久不開胡然城市又重來只緣當日鬢宮裏曾作一名小秀才余十六年



爲憶當年泮水遊青衿一隊也風流而今賸有幾人在猶認雪泥鴻爪留

當年泮

初臘

流民行

丁丑歲館儒學署時連年大旱凶荒特甚西北一帶流民轉徙困苦願連傷心慘目有不忍言者

老天連年降凶災晉豫之間劇可哀牧羊將死皆立視流民東去如流水漫天  
哀鴻嗷嗷鳴哭聲四起不忍聽木皮草根食已盡號寒啼饑更誰問稚子失母  
妻失夫盜賊劫掠迫前途凍雲欲雪寒栗烈北風刮面面破裂匍匐病臥立不  
起失足一跌命休矣餓莩滿地無人收鬼燐月黑星火流吁嗟乎生民大半溝  
壑死傷心慘目有如此誰上鄭俠流民圖君門萬里共一呼

冒問

盛夏家居時來瓜田高臥細床忽起疑團因冒然問之

是誰製成此寶蓋萬古常青永不壞是誰搏成此大塊萬物紛紜歸持載是誰  
捏成此兩丸東西推移如轉環是誰噓成此二氣寒暑往來相更遞大造之造  
妙無言古來幾人得真詮我欲駕雲龍乘風虎下歷環瀛上窮玉宇覽徧色色

# 太康縣志

卷五 藝文志上

四九

形形者乃得一陰一陽一消一長之宗主

一隻筆

仿白香山新樂府體

李鶴山

一隻筆尖如錐兮利如刀寫爲文字代言語千載而後萬里遙巧爲形容稱神  
妙能傳奸雄與英豪自古尼山有褒貶是非可否一字顯春秋二百四十年覺  
世庸民此握管下此厥惟晉董狐齊國太史與之俱書法不隱臣子懼瞻徇愧  
殺莽大夫心正筆正柳公書吾有此筆將何如不願書神奇與鬼怪誕妄不經  
心術壞不願書案牘與詞訟捏造黑白乖至性但願多書經世文匡正人心同  
典墳記言記動勤修省日夜懍懍常自警至若媚人與罵世此等文字何足計  
行奸弄巧舞文墨空負手中一隻筆

早開征

同前

前人

早開征今年並將來年征今年十月征來年來年再征又提前名爲預借實加  
倍稅額未加加一歲試看小民居鄉村常患摧科早到門富著措辦尙有餘中  
戶以下將何如典桑典地納官稅官稅未納敢甯居得錢急赴徵收處納稅人



多納不去今天未納至明天明天日夕又三竿不是小民好納稅遲來恐受催  
科苦奉勸鄉隣休嫌苦他處更比我處苦風聞四川與雲南業已預征四五年

己亥六月二十五日遣懷 二首

張毓琦 邑太

白雲如幕草如茵過眼繁華半假真敢謂今時不若古由來舊事尙翻新能安  
困屯終逢泰歷盡秋冬又值春我是炎涼都見慣擁書忘卻釜生塵  
都從平旦發深思吉人天相祇自知昔正方剛猶退省今雖垂暮不支離門無  
俗客隨心咏家有藏書信手披覆載生成恩欲報默參消長與盈虧

贈太邱書院山長朱啓運 遵工部歌中八仙例

胡贊采 順益光

異哉相遇稠人中兩兩措大酸且窮麤衣大布少儒風落落冥冥更惜惜譏訕  
嘲笑任人攻如鷲如噴如倅侗市井小兒華服充顧盼生姿意氣雄傅粉施朱  
點綴工依人獻媚可憐蟲誰知鼠目真乃矇分寸之光遠不通不時微詞加乃  
公包涵大量腹隆隆相與浮沉戲童蒙怪底無人識此翁燕雀本難知鵠鴻井  
蛙笑殺馬扶風我狂君肆將毋同公能識我我識公隻眼閱盡軟塵紅物色豈

## 太康縣志

卷六 藝文志下

五〇

在驪黃中百川吸盡酒池空乘醉高談氣吐虹少年自喜騎青驄舞刀殺賊賊  
斷隴裏劍再戰不知恫刀樹劍林火烽叢殺賊耻言汗馬功賤視衣冠厭牢籠  
自古無賴本英雄呼盧一擲千金空中年節折始束躬讀盡圖書府壁東解經  
論史妙折衷傾囊倒篋義腴豐文耻箏琶如鐘洪舉筆千言塞蒼穹陽夏皋比  
類轉蓬弟子布滿中州中吁嗟乎粗衣大布少儒風皮相從來世所工  
粗衣大布少儒風皮相從來世所工

李貫河懷舊 五言

人與河同壽芳名萬古傳李君興義舉巨藪納支川北溶渦渠隔東流濯渡連  
太南除水患淮朔頌康年源大波翻白堤高浪轉圓安瀾今有慶功德溯前賢

陶真詞

邑令 夏聯鈺 山泉

余生平本是教書匠被孽風吹到宦海上經幾番煩惱受幾番驚慌曖瓦罐不  
在井口喪幸歸來田廬未荒花竹圍繞小遊廊淨几明窗情懷暢喚齊了孫兒  
孫女進學堂教給他剛經柔史作人樣書韻悠揚花影上墻再不聽猛擊堂鼓



亂敲梆只有螺螄聲聲送過這條巷偶閒步到街場不覺來到運河旁一綫碧流仍舊樣爲甚麼不似昔年壯偶遇李欽甫拉我飲壺漿同上酒樓步步腳踏樓梯嚮金波酒色嬌黃鮮白魚嫩鴨掌勝似那濃煎肥煮的官廚房憑窗四望煙樓蒼茫作一個陶真詞手拍欄干自己唱

弔張海澄公

李樹德

崇禎壬午歲闖賊攻太康人心如瓦解誰肯赴戎行惟我海澄公捐軀保井疆慷慨陳大義與衆扶綱常急告魏縣令鐫硯井底藏由是定人心轉弱能爲強潛擊順城砲賊衆被殺傷速然萬人敵尸積如山岡孰料東南隅譙樓竟失火衆潰城遂陷賊匪登城堞執吾張公去不降守故我一門皆被害無人乞苟免清朝錄節義竟未蒙卹典歷久發幽光所關非淺鮮飭建忠烈祠千秋歌榮顯弔張右文公

前人

弱冠食廩膳天資本奇瑰生平負大志饒有經濟才會蒙內閣薦彈鋏賦歸來召對中左門慷慨陳三策擬以御史用立賢能破格時勢歎孔丞都城備金革

## 太康縣志

卷六 藝文志下

五十一

咨文奉兵部曹濮招義勇途聞京師陷慟哭洎如湧南投史閣部日月雙袖捧未幾史公卒隻身歸田隴十畝理桑田數椽修茅屋晚年號飼牛未嘗要秦穆迄今讀明史忠烈宛在目俎豆薦馨香祀典克興復天道福善人百代歌式穀

卸太邑任留別邑內各同志

邑令周鎮西  
江西南

予履太八閱月卸任時與民衆感經過之痛苦兼留別各同志率成古

風一篇

憶昔下車扶樂城二萬甲兵擾民生環境機槍隆隆起載道瘡痍動怨聲給養麩草因地征蚩蚩小民摩肩送回頭一望淚盈盈萬家作炊備支應嬌小兒女啼釜空阿孃含涕簞壺供革命同志憤不平聯袂翩翩到行營制止空傳嚴切令猩猩猶是舊猩猩間諜報到增兵來中心耿耿費疑猜全副武裝蜂擁至手提盒子詐錢財撫綏無方化不成通宵輾側到平明禦侮不作偷生漢願與吾民共死生整理庶政賴諸賢慇懃勗我勿就遷訓政進行有明令依期告竣不期愆民困顛連羗未蘇過承獎飾愧煞吾敢云績比廉叔度春風到處有吹嘘



累重停職因官卑南北奔馳精力疲劫後餘生嗟莫補念念猶望履瓜期竊嘆  
生靈痛苦長諸公救濟幸有方年年努力如今樣指顧定可掃欃槍攬鏡自惜  
爲誰忙鬢髮皤然半已霜垂老退休應憐我歷數往事盡滄桑半生得失無容  
心末世欣逢有知音碧海關山如無恙尺書猶可通積忱

題喻義朱公孝行歌 七古

蕭金振 江西南

公諱倫明清贈文林郎陝西補用知縣開廟之祖父余奉職行傳因題  
此篇贈之

光暉絲來膏之沃實遂端自茂其根歲寒松柏孕育厚忠臣類出孝子門我聞  
陽夏有朱公原籍山右邑洪洞百行之首職無忝卓有黔婁萊子風北堂腰漏  
抱沉劇八載侍養無虛日蕙花忽忽摧夜雨歲餘未出殯宮側謹奉嚴諭來堂  
前汝勿拘讀喪禮篇古來大孝能養志歡承椿庭亦兩全飲泣節哀趨前庭盟  
櫛幾曾待雞鳴豈止寢膳喜懼遵常節十數年內晝夜寒暑無間孺慕之真誠  
最是垂老省隴墓白髮滿鬢淚盈盈行誼爾爾幾能及錫類至感途人泣慨士  
大夫多虧此始知忠信出十室一門孝友肇禎祥史冊紀載孔彰彰王鯉孟筭

太康縣志

卷六 藝文志下

五二一

天鑒格自他有耀後尤昌兩世名宿稱博士且登虎榜官異鄉秦中文孫分符  
地鼎革歸來韞櫝藏祇書甲子義熙後爲晉處士萬古香文章道德兩不負新  
安衣鉢遺澤長吁嗟乎中州清淑氣磅礴扶樂鍾毓自發揚元功高密瘞茲土  
英豪接踵迴尋常原地靈兮人傑抑蘭芷之自芳爲善無不報從來言自詳爰  
持瀧岡文用證慶榆堂吮筆掬題下里句用待輶軒采擷發幽光

